


小謨觴館集



小
謨
觴
館



自海宇廓清書局大啟班藝劉略之要汲郡孔堂之遺五厄
所經八風遞轉然警管備舉而獨絃之歌不登軒輶抗行而
一卷之師輒後其有近世宿儒一鄉孤秀凡所撰述等諸自
鄒幽徑偶闢倏焉塵封嘉肴自將甚或蠟視在好之者亦惟
話胡僧之刼灰守羽陵之故紙而已甘亭先生盧牟百氏侔
際一生所著小謨觴館集如千卷及身手定副墨單行大率
得幽弁之氣均以韋絃樹漢魏之骨被以藻繪取材尙博故
腹儉者憚其繁秉律貴嚴故皮相者病其濫例之時賢實足
並轡八家追蹤二雅矣乃嘔心之句卽是勞薪焦尾之材竟
成絕響烈燄一炬隻字無存鶴巢舍人以私淑之專有起廢
之志謀付剞劂迄無端緒蔭每與道及恇然於懷蓋其少負
奇氣老客諸侯雖賦成六合而鵬翮依然退舍雖學富千蹠

序

而豬肝未免累人僅恃此已碎之金可語之石曾不得與巢
父詩卷長留天地數之奇也一至此乎江湖名流獲傳於
陳起山林舊集重編於岳珂皆所以振起鬱紆導揚風雅因
舉舊本重發新劂刻旣成屬鶴巢任校勘之役乃書其緣起
於左同治十三年甲戌五月吳縣潘祖蔭

序

太室之山崑邱之下有謨觴焉蓋上帝之冊府羣真之秘閣
吾不逢仙客不覲異書俯仰世間嘗以爲憾及與君交觀其
所作頓驚癡俗始歎靈奇譬如窺朱鳥之牕中爛然甲帳駕
綵虹於霄半麗矣瓊樓洞庭張樂何有箏笛之音瑤池命宴
故非烟火之食足使江東袁淑賦藏鸚鵡關中庾信詩遜鳴
蟬南城會燠

序

一

詩集序

予與彭子湘涵交十年矣始自里閭聞其髻髻秀駒逸鳳
鸞夙用慕尚塗轍乖分辭若淮陰各在羈屑尤君祖望為書
以通介而相見自後或睽而合率不歷月經時以逮今茲乃
得盡讀其二十年所為之詩凡若干集若干卷而序之曰湘
涵自少迄壯總十餘稔其所為以才為主以古為程旁午側
出綺組瑰恢珊瑚木難碎不問賈雉裘火錦焚如裂如九機
百鐻五軌六莊虞淵下春迫而逐之山子驟耳駕而先之秦
娥趙女越施漢嬙不迓步幢俠侍妍冶妖嫗失氣媠夫盪魄
嗚咽顛倒莫知其由揆其張弛辭勝於理由立至強悼心亂
慮姦窮既謝百怪退舍深谷峭壁夷為唐途方車駟馬憧憧
往來徑寸之珠不易握乘熙熙饑年不羨太牢如喝得陰如

詩集序

二

壓得醒疲劇登頓邃宇攸憩其直詞正氣宏辯博議契澗骨
肉徘徊死生婉篤諄復意哀旨深老氓力穡宿將布陣不問
豐凶不憚首級亞旅從令斥堠自遠惟其以理為主以才為
輔古設今施宏演澗穆湘涵之所為又一變而泊乎有成嗚
呼唏哉自念交臂暨於盟心凡所相期曷盡在是由其才氣
壯盛可以陵終轅賈蹕厲建豎海至馴擾冥心逢源亦必裨
補風俗理化和平年運而往齒髮各驚蠶簡鬢翰銷沈知慧
假道自信詎云本懷徒以術業無殊欣戚不二蓼蟲桂蠹彼
我自知言其苦辛未為膚受為述之如此尤君而外勿以示
人嘉慶丙寅八月望日吳江郭麐序

小謨觴館詩文集總目 并自序

幼經遐陬壯慕劬學九流百家恂涉厓略懸心發言諸體間
作窮薄寡諧罕事修禠以厠藝林滄海稊粟計古今體詩八
卷詩餘一卷賦序書記碑銘雜文四卷為初集甘亭居士彭
兆孫識

詩集

第一卷

樓煩集

第二卷

南鴻集

第三卷

星社集一

第四卷

星社集二

第五卷

傭書集一

第六卷

傭書集二

小謨觴館詩文集總目

一

第七卷

葦杭集

第八卷

觀濤集

詩餘附錄

文集

第一卷

賦

第二卷

序

第三卷

書

第四卷

記碑銘雜文

小謨觴館詩集卷第一

鎮洋 彭兆蓀 湘涵

樓煩集

辛丑迄丁未

山右寧武古樓煩地西極河湟北鄰火篩瓦刺諸部雁
門三邊之一也兆蓀象勺之年家君作宰十稔於茲朔
代燕雲還往如織當夫霜月白夜古情鬱霞黃麴酒酣
銅斗歌作輒銜其山川學爲賦詠刪十存一戢戢已多
雖操觚率爾而以志少時鴻爪爲勅勒繼聲朔管霜笳
觀者其有星心月口之思乎乾隆丁未陽月上澣甘亭
居士書於樓煩官舍之獲古堂

企喻歌二首

辛丑

男兒一墮地鷄子飛向天身是射生手不求舉力田

小謨觴館詩集卷一

一

易博食肉侯難得可手弓明明天上月不落張弮中

隴水歌辭二首

舌卷入喉屬陰沍藏胷中斗血風吹不涼
嗚咽嗚咽肝腸斷絕水咽復波腸絕奈何

讀北史六首

十步有一芳何辭間荆棘才人屈城使呃塞自歎邑
翩翩虞公子見笑李文博輕薄少年場長沙不可作
巨倫遇葛榮拙詩以自晦如何沙門標乃坐五言罪
闕佛佛寧校崔公曠代賢從來薄延壽作史論因緣
景仁工八體便足致開府可憐劉孔昭秀才不得舉
黃衫屬兒子力戰不謀身千古求才者萑蒲大有人

詠古九首

蒼鷹本擊惡弱鳥亦驚翔酷吏豈乏效毋乃民氣傷西京傳
民牧到甯兼冀黃並列有深意得失觀自詳偏哉矯激流威
力資析楊流弊成鉗網側目在道旁巍巍扁狴犴索索纏琅
當但慮無文翁何爲憂箭張

良弓不全終涼法始於漢辛勤蓬葆徒乃以人狗判當其設
喻初目早無絳灌奈何天下才沈吟苦不斷徊徨娥姁術悽
戾鍾室歎樂說何人斯封侯媼蕭鄧

古人重節槩要貴託死生不解游俠傳乃列樓君卿朝致呂
寬獄夕博輝光榮同時谷子雲阿鳳亦有聲何怪千秋下二
客俾齊名

建元敦經術通藝及郎吏兒寬對廷尉乃謂弗習事儒生不
署曹張湯失交臂逡巡上畜簿奏當見才地文字與法律一

小謨觴館詩集卷一

二

理詎殊致擾擾乾沒徒田甲結私誼怒馬兼鮮車誰歎共圖
治

士習患標榜清流雜污瀾東京俊厨號何必無賢奸國家嚴
黨禁深意存衣冠不見李元禮聲名動朝端一夕詔獄成故
吏皆糾彈總總數千人立名誰不刊龍門在園扉登者心爲
寒惟聞景御史上表自辭官

西京羅甲第北里盛歌鐘金張侈服食趙李相過從萑苻丁
叔末減俸賦不充建安卿相厄採杞悲飢窮世運與物力夫
豈長滋豐三復持盈理還哉唐魏風

夏后惜分陰晉曠喻秉燭人生無賢愚年短苦景促土行起
負薪激烈投博局功名始蟬冠風塵奠南服王室似滄海橫
流爲一束丈夫重致身長恐日不足悠悠收豬奴安能識瀉

鵠

杜家著新書正元名始布傀偉燕然銘倜儻鸚鵡賦寸晷試
衆長抱負豈非素學人一表彰餘子安足數名實本相須沿
流謬依附小儒亦沾沾乍見恐疑怖僕射有楊公毋爲致其
怒

銜玉玉不美噉名名乃虛寧圖千秋業而爭一日譽東莞劉
彥和典禮窮居諸雕龍五十九傳世諒有餘區區吳興郎安
足當吹歔才華卽求售何至候人車流風日波靡行卷投趨
趨咄哉昌黎公乃有光範書

樓煩雜詩十二首

萬古樓煩國平分十六州蒼厓三伏雪白月四時秋飢虎宵
巡郭猜鷹午下韉欲知河水澗北望是偏頭

小謨觴館詩集卷一

三

埤峴緣巖粵峩峩百雉雄重關遮日逐飛閣瞰雲中植檄星
施施鳴弦月羽弓防邊原重寄誰是筆頭公

往在成周會文間列貢圖地從開主父王遂換林胡探覈雄
威盡次設壯士孤拓疆天上夢乾笑史遷誣

災運東西漢秋高轉戰場移民四郡實發卒萬人強節共憐
馮敬功難數郭涼至今沙塞月不獨弔韓王

元仲青龍歲鮮卑騁騎秋大人來保塞別將失并州貔貍今
何處蟲沙各自愁陔南與陔北不斷陣雲稠

六三齊帝讖達速魏王川彌澤邊烽靖蘭陵主貌妍魚羊方
食肉殺邈又飛天一角祁連水波旬閱幾年

霸略神元首威名大業高撐廬阿糜帳芟草可汗刀瘦馬遺
龍骨殘山落雁毛汾宮無片瓦情與撥蓬蒿

閑廢三邊使沙陀百戰功祿兒原盜賊亞子是英雄庠舍寒
蕪草雕雲迴搏風無窮唐壘憶都在角聲中

黃草梁頭驛紅門口上營衛加千戶所官總二邊兵關路紛
圖說屯田議守征百年爭復套若箇請長纆

西去涪山近汾源衍派長一泓激匹練千里下平陽樹闕臺
駘廟秋先拓跋岡余朱聞樂地天水兩蒼茫

叢祠拜都督奇節等常山劔氣虛帷冷刀光畫壁殷運難扶
末祚旣首失雄關不忍瞻遺像稜稜甲尚擐

舊是防秋地今看上將臺幕烏衝雪起獵騎卷雲來令肅官
櫺靜天寒曉柝哀受降城咫尺珍重勒銘才

一夕

一夕旄頭萬馬奔臬蘭烽火達昆侖赤丸潛探元戎幕碧血

小謨鴈館詩集卷一

四

難招郡將魂祗道纏頭能鬪穴竟無精手與當門狼弧引領
飛龍騎并掃連雲左輔屯

兵車行

鷓窩梁頭吹角罷夜半山城羽書下朝來臬牙看點兵束箭
去作甘州行刀槍十復五五謀克洗洗猛安武火伴傳呼
領具裝家人哭悔編軍府城門湏洞鳴笳出犀兕甲裳耀丹
漆萬馬先懷喋血心斗擲胭脂好毛質紅顏白髮提壺漿塵
埃蓬勃雲蒼黃傾城聯轡走相送鼓聲隱隱催漁陽丈夫自
當爲國死那得臨歧戀妻子吸盡生離舉奠杯畱將日後招
魂矢旗獵獵風淒淒一語不聞聞四蹠三邊健兒好身手金
印須當覓如斗百隻肥牛待歸割僕射由來愛戴堅水衡養
士况年年請收南浦傷心淚笑飲西京百眼泉

鼓角四首 壬寅

鼓角下遙天妖氛落斗躔殘兵熊耳積吉語馬頭傳見軾眉
何益當轅臂孰憐還應玉關路刻石傲燕然
持重休兵策長圍逐日增三旬堅壁守半夜拔弧登箭簇孤
懸地營燒最上層摩雲餘故壘殺氣尙憑陵
內府來飛將雕弓霹靂誇五威屯九虎一鵲走羣鴉寺熄摩
尼燄風清袍罕笳靈夔桐鼓曲傳唱徧瓜沙
俘馘迴雲騎飛書報露章槍陳秦武衛碑勒段文昌茶服花
門拜春光鐵勒長書生無汗馬鏝吹擬平涼

昔聞

昔聞安定守不問馬如羊詎謂輸邊粟翻成盜太倉南衙案
金布東市集冠裳應悔涼州博蒲萄一斛香

小謨觴館詩集卷一 五

城南杏花盛開沈確齋別駕徵楷招飲張氏園卽席

作癸卯

山原氣暖香風嫋流鶯間關報春曉玉鞭七寶颺晴絲馬踏
春蕪軟紅繞十里霞烘芳甸齊片旗青颭邨墟小畫樓昨夜
雨初乾凝脂半浸燼痕杳休文游興匹樊川韋曲穠花恣意
憐行厨盧氏長鬚健載酒羊車小史便修垣繚曲環花塢玳
瑁文梁燕新乳絕豔盈盈酥乍融香雲濛濛日亭午黃蜂粉
蝶鄰牆來銀鈎翠箔東風開紅紗中單玉膚逗一笑影落流
霞杯休言阨塞龍堆近苦恨涼飈撼朝槿如許朱顏儘客看
天涯何地無金粉玉醴傳觴醉不辭開紅還與譜新詞戰場
莫說蟲沙怨此是春農舉耒時

鞦韆行 并序

王仁裕開天遺事載鞦韆爲宮中戲江以南絕少今代朔尚
沿此風每至春日比戶以酒盆相邀粉黛成羣畫牆朱戶間
觸目皆是戲作鞦韆行紀之

東風掠面吹香塵燕子簾櫳紈扇人駘蕩冶情三月暮飄揚
紅影十分春春人曲奏春光好蕙轉蘭薰暖浮草宅夾灰河
水北亭檐低乘葉城南道白楊門對鬱金堂玉檻銅溝亞字
牆喚取雪兒扶彩桁催教琴客啓倉琅千秋式做開元製紅
索垂垂竿細細代胡眞宜貼地腰江南誰省仙人戲社公雨
歇轉新晴翠袖娉婷挈隊迎金縷繡成誇樣窄越羅初試喜
衫輕踏青鬪草都無緒悵望游絲榮落絮要賭驚鴻掌上身
珊珊小試冷風御雲鬢掠削互兜鞵結帶盤巾女伴催驀地
明霞彩楫落一聲瓊佩紫霄來迴翔纖趾鶯梭擲慢舞輕旋

小謨觴館詩集卷一

六

論丈尺花底生防露半襟柳梢已被窺雙鳥蔭蕪徑畔晝樓
邊叱撥年年記駐鞭百褶衣香霏院外九天珠玉落風前翻
翻傳遍唐宮技額黃微褪柔肌靡卻步蜂鬚蝶粉間回身綠
映紅遮裏綺陌看花夕照多三條五劇奈春何隔牆分付多
情月良夜明明送影過

閑情四首

香種猗盧北仙根幹壽家姐應呼嬾嬾年略長茶茶鞦韆鸞
頭勒衣裁豹狎花薄寒宜酪飲暈臉上朝霞
方翹蟬紗障揚鞭小市東脂輕開兩靨漆重點雙瞳龍蓋橫
簾影駝鬚寶轡風焉支山近在名字稱紅紅
翠幃斜捎柳金沙碎碾麩長檐獾婢壓短鼓獠奴扶綺席猜
眞妖鴉鬟認固姑眼穿蕃馬隊許駕六萌無

毳幙藏嬌小葦庭占好春笑看鈿反插夢憶體橫陳路半迷
熊室書空託鴈臣羨他研練絹長繫領邊巾

雁門關四首

甲辰

直上三千尺崇岡石棧孤關形雄倒馬山勢接飛狐雪壓玉
腰品風寒金僕姑遙憐洞庭雁猶自解銜蘆

絕頂憑飛閣河東半壁天撥雲窺八部揮手指全燕暗壑燦

搖火餘水澗咽泉英雄頗牧去陵谷亦淒然

斜陽下殘堞迴首一沾襟了角晚烽斷郅支秋意深谷呀羅

虎夙杉動啄烏黔老盡漁陽將蒼茫拊髀心

昭代懷柔遠無煩右顧勞羽書西輔靜管鑰北門高廣武亭

延月滹沱岸拍濤春花生土櫓匣冷赫連刀

石峰

小謨觴館詩集卷一

七

石峰遺堡在拔柵憶哥舒聞道豺牙厲仍吹虺毒餘定西風
卷籜渭北羽馳書不是嫖姚將纔槍孰掃除

周忠武公墓紀異詩

并序 乙巳

乾隆五十年夏杪霍潦浹旬溪澗泛溢城南周忠武公墓在
半山爲灰河水所蝕土脈坼裂官議築隄護之而水猛工不
克興一夕雷電交作水所經處忽墳起一山長三十餘丈高
十餘丈蟠屈墓前如隄防然墓得無恙萬衆詫歎咸謂將軍
靈也作詩紀之凡三百八十字

大圜覆空殼谷神鼓其內畫山兩戒分奠嶽百靈配飛來理
則誣彈指說尤悖及乎弄神奇造化出狡獪精英激頑冥常
理安足槩今年暑新徂雷殷白日晦魍魎雲吐飲漭漭雨霍
霹匝旬倒琤琮詰且坐黝昧中雷歎洞漩階配濺璣珩重陰

鏗�夔苦溼衣或焙崇岡屹城南崆峒壓崧岱下薤忠臣骨
朽壤翳榛穢灰河遶奔瀧劍蝕露沙碓淋浪兼愁潦山脉忽
破碎茨防枉人功邪許艱築埭竹捷術已窮保障天其賴狂
飈陡憑怒中夜吼靈怪石命愚公移根用巨鼈戴斗川一鼓
盪磽确驚沸潰排空聳波心墳起出地肺拭目乍愕貽轉頭
見砒礪坂坻旋截業厓賺勢向背譬諸築壘垣殊不藉鉏耒
又如勾萌物怒發非灌溉起伏紛連蜷叢草互鈎帶洪濤束
坡陀峻湍潛避回奔走告長官詫嘆駭羣昧詎緣山中英弄
巧戲儻輩又豈坤輿靈鬱勃不可耐異事各聳兢神意知有
在將軍殉沙場齒怒穿齟生無百夫贖死復一抔壞天公
善補過有力敢自愛風雲護殘骸幽明兩稱快華表高長撐
椒漿謹重酌圖經義未詳齊諧志當載小儒費搜討畫史煩

小謨觴館詩集卷一

藻繪吟成雨不止俯仰發餘嘔忠武墓前出山一事傳之者
宰斯邑兆蒸親從往觀卽於是夕成此詩蓋非野書燕說此
也嗣家君以此事上諸大府中丞農公立捐三千金重葺忠
武祠字并勒碑紀其靈異此
詩中所未及詳者復識於此

笏

城頭月黑雁飛高城下都軍夜帶刀一種秋聲誰管領紇干
山北薛陽陶

染峪山龍泉寺

參天萬笏攢如屋前有飢蛟後元鹿懸厓滃雲雲滃木一徑
陰森走深谷黑風撼人馬尾縮叢條晝嘯山鬼哭花宮何年
絕頂築帝遣夸娥操春搗吳剛斧決神臂速斫斷劍鏃成老
秃芙蓉一朵香雨沐紫府穹窿踞其腹番僧百年瞳子綠石
窟疑寒跌兩足佛幢垂垂銜似粟古磬忽敲清漱玉怪禽銜

果供半菽猛虎蹲門作奴僕謂余少留噉魚粥礮雲遮頭催
轉轂山英四號不敢宿電擊霆碎走相逐冥冥大壑窈且曲
燐火導人如秉燭天都一去難再復溼翠侵衣散餘馥迴頭
欲問居可卜似說郎君爾無福

鎮朔樓十二韻

并序

寧武緣山爲城北門其最高處上建樓曰鎮朔雄麗揭孽屹
峙萬山中爲一郡之望明季李自成攻城時所發鉛丸矢鏃
尙纍纍窗戶閒可捫而數也

傑構基扇護飛豐旭彩浮登高今勝地築塹古邊州盤漠鵬
時下摩空雁亦愁秦雲遙欲壓朔氣冷全收蛾賊連羣日狼
煙上將憂勢真同燕幕交幾失蛇矛颯杳星弧落碛磴奔石
投緇羆千歲劫猿鶴一軍休關路清烽燧郊竿裊旂旂黃雲

小謨觴館詩集卷一

九

屯敗棟碧血鎖危樓目斷龍堆戍魂招鹿塞秋寒風悲壯士
終古自颼颼

陽方口

丙午

征車五月馬蹏催戍壘縱橫有劫灰扼堡地爭中路險排牆
軍可萬屯開遙林似濟當關數溪水無波抱石來怕說楊家
老防禦秋風吹淚橐蓮臺

馬邑道中三首

風卷驚沙一障開寰州西傍拂雲堆紅羊蟠嶺流沙去翠鷄
拖秋瀚海來壯士近多諳吏法書生誰敢議邊才金刀校尉
兒童記話入斜陽斷角哀

漢家天子邊防重虎落周遭樹戟幢太守威名推第一將軍
材氣本無雙甘泉烽熄孤塗走服匿盧空六角降千古封侯

遺地在桑乾東下水淙淙
時平鉤鈇化鉏犁起聽嚴城夜半雞馭吏不驚囊赤白倚廬
那用尉東西路通注水神駒健天入陰山斷雁低猶有呼鷹
閑騎將北風吹滿錦障泥

懷仁

朝呼澗水渡夕倚雲州郭積陽無晶光盛夏亦蕭索居戶不
盈千土鏗依葦箔豚闌地半弓馬矢牆一角懸鞍進黍糝解
渴思鹽酪漢家度遼將曩日困鈔掠頭曼跡久陳大峪險猶
昨琅鐸無喧聲琯弓有遺繳淒然望重關已下巖城鑰

大同

平原屹萬雉絕漠迴衝颺北極地孤迴西陲氣聊蕭高牙此
開府部伍肅不蠹斜日冷大旗鼓聞遙遙紫宮旣蕪沒鹿
苑餘畔樵叛將骨應朽國殤魂孰招商民頗駢坐士女亦冶
姚威彼昌丰象想見烽燧銷嚙槽喧廐馬掠野騰雲鵬時平
念忠藎哀歌懷李超

聚樂堡

迴野喧騾網晴曦裊鞭影數家並塞民百堵荒寒境聚猶列
屢市劣不成閭井英廟昔建置耕屯備邊警地分都尉治士
列牙軍猛側想箛笳喧颯昏纓羽整宵烽百年無民氣四時
靜賞耐臨壚頭北風酸射餅

統千山

蓐食徂邊庭侵星促長駕蕭蕭蘆管音寂寂雲中夜白馬寒
自嘶黃羊健誰射岩巖遠山影壓夢吁可怕元風西北來搖
月慘將下凍雀何不飛商聲足悲詫

桑乾

涓涓桑乾水源自洪濤山號曰小黃河汎濫燕冀間雖收灌
溉利亦勞隄障艱司州發端處細流殊潺湲往往陽焯歲徒
涉恣往還千里及畿輔乃有奔騰患療原理則同濫觴勢誰
閑感慨潰防事迂衷自循環

白登

白登山下客星過戰跡平城付逝波憶自重圍天子出盡傳
奇計漢臣多沙隄萬足騰宛馬石窟雙峰湧橐駝今日一家
中外合春風不隔鬼毛河

遼太后妝樓歌

奇首八部興潢河國權半屬改耨廢青牛嫗出可敦貴參贊
直匹鄧平聲侯何淳欽云亡撒葛弒重見聖母臨統和御容殿

小謨觴館詩集卷一

十一

頭決朝政玉盆灣口開行窩雲中故縣城牛角妝樓基壓桑
乾波想當校獵屬暇豫絡臂縮輿過同心帕裝媚絳帙
雙結玉佩鏘烏韉駝尼簇翠坐捺鉢軸簾閃影頰頭鴛流泉
一鏡晃白道照見阜髻秋花羅駟車逝後闌楯廢敢塗殿亦
蕤煙莎東樓西樓罷謁廟十帳九帳停吹螺鴛鴦瓦冷蕭字
没香泥柱脚空摩抄迴憶從戎灰洞口戰跡遠到青泥塌桑
宮繭館太瑣屑往往馬上揮瑀戈意中不復有任姒區區馬
鄧安足多豈知雄略蓋一世再傳乃有菩薩哥齊天巧思構
奇變宣懿詞藻招誅訶多才瑟瑟枉詩諫天祚國步旋蹉跎
此樓興廢亦偶爾乙室家事煩悲歌脂奩粉盞葦苔窠荒臺
蔓草愁滂沱焚椒遺恨更填臆欲話往劫無青蛾茫茫蕃帳
斜陽裏獨詠香詞走紫駝

枳兒嶺

飛梁繞修蛇怪石劈鬼斧人聲出天春馬足洞山腑直下皆
懸厓決決暗泉吐千年悶頑陰有眼孰敢俯路窮見斜徑峰
轉得小聚戶稀常斷炊煙淡不成縷荒祠兩三間白日慘牆
土敗佛無全身貌與樹爭古殘魂弔天驕畏路避渴虎淒唱
山雀吟前峰仍午午

八達嶺

兩巖夾層雲線路爭一指峰高不肯俯偃蹇瞰天咫我行登
頓疲計險忘計里呼風馬批耳嚙腳石排齒嵐靄北條來蜿
蜒撲眉紫奇哉老太行元氣果不死憶在明中葉三輔屯錯
峙建瓴俯神京居庸列其趾時清牌堠踈道古榛營迤日旻
聊停驂秦城倚殘雉

鷄鳴驛

小謨觴館詩集卷一

三

巉巖石筍如踞虎恒嶽流雲遠吞吐鷄鳴驛口上谷西一臂
全遼垂萬古我來瘦馬踏沙行不斷關山笳笛聲武帝樓臺
蒼蘚合蕭家池館暮霞橫氈廬小帳環寒郭窳堵孤撐語風
鐸八水鴛鴦合沓流三關鷹隼當空落征旗狎獵度洋河紅
草溝邊好駐珂白羽射鵬豪客去覩妝盤馬美人過生年未
識江南好便逐飛鳧向雲堡折戟魂銷托邏臺黃金日落燕
關道燕關窈窕足燕姬酒熟當筵舞柘枝且歌阿子歡聞曲
和我陰山斜律詩

宣府二首

龍堆夜氣接漁陽獨倚和門望大荒玉帳照斜三輔月金笳
吹老一城霜燕支山遠秋無色拔里臺傾土尙香愁絕孤亭

圍萬柳絲絲風入鬢邊涼
宣仗離宮建羽旌當年巡幸肅弓刀卻來御苑憐黃土誰使
將軍號赭袍矧幕寒支讎積遠花臺秋颺隼旗高鷹坊虎圈
悲風起和入長松作怒濤

土木堡二首

夏口風霾夜變輿此駐營雲端墮天子兩帝失先生貂寺魂
誰惜龍潛卦早成裕陵園近在草接豆田平
不信全軍出眞成孤注憂臣援珉呂例君洗靖康羞元老扶
危策宵人倖賞秋南宮遺恨在唱盡白符鳩

居庸關值山水暴漲作歌紀事

昨宵雨過林含煙狼山野店寒無氈曉策青驄出茅屋千巖
岑崒紛迴旋初疑絕壁屐齒折漸訝細路藤梢牽疎松位置

小謨觴館詩集卷一

三

出無意十步五步相延緣馬頭忽上亂峰頂誅蕩氣與青冥
連嵌空下摘石竇乳舉袂欲拍洪厓肩雄關突兀已在望蠶
叢一徑遮全燕鴻影不度雲漠漠磴痕皴裂苔芊芊危樓俯
窺上谷塞遠勢旁接盧龍巔是時匝月苦溼潦淅淅百丈奔
飛泉喧呶怒吼當道涌幽壑斷崖成巨川如遊匡廬看瀑布
匹練曳出珍珠圓又如錢唐破陣樂撞鐘伐鼓龍宮前槎枒
削鐵已足駭况此攔路波潏潏公矇兩目迷五色行旅攬轡
愁連邇平生讀書誇九險陘訓方信淮南篇壯懷豈以風浪
阻凌兢且策驂驪先霜蹶欲落不敢落一蹶已下清冷淵騰
騰四足蹴鮫窟面面疊浪漂銀鞵巨石中流大如甕盤渦兩
搏爭喧闐的盧忽仆箭脫筈游韁急勒弓引弦掀然躍起二
三尺直披蜃霧衝洞漩山英陽侯不我厄崎嶇歷盡身安全

伸眉長笑在平地但見疊翠青連天返思曩險已幻跡入離
出坎無俄延隙光電火總映爾憂患何必多縈纏率成詩章
誌感激激有人北牖科頭眠

彈琴峽

疊翠拱天府列嶂等樹屏四圍關嶺合一綫秋旻青奴子緣
木杪飛步高矜孑我自循澗曲支筇走伶仃設險緬勝朝寇
至無重肩奸瑞安足責憑弔勞心靈松風解怡顏雨過聞草
馨嗚咽巖下泉清音奏瓏玲奚須事操縵恍爾鏘仙鈴成連
已長往昭文坐忘形塵劫去浩浩幽懷愜泠泠夙明無弦旨
獨向空山聽

塵海

塵海渾如霧車聲殷若雷濫隨充賦隊誰抱練都才溫卷書

小謨觴館詩集卷一

古

生賤梯榮殿舍開寥寥年少客斜日眺金臺

伏日尹楚珍閣學

壯圖席上作

雷雨虛堂歇茶瓜令節新從容卸冠佩清切話絲綸粉筆頭
廳客黃裳末座人褒揚能稱未交愧紀羣親

陳玉臺給諫

昌圖

王秋樵吏部

瑣

毛宿亭舍人

上京

周小泉治中

詢集飲寓齋

下直花驄散閒坊曲宴酣飛騰前輩在負荷後生慙分許忘
年義狂應倒佩簪金門容大隱街鼓任鏗鏘

玉河

雁齒分橋路鷗波傍苑牆觚稜樓影直沙觜柳風涼朝士朱
丹轂汀花黯淡香芙蓉好顏色疇解集衣裳

宮詞八首

并序

春闕含風銖衣易故秋深長信紉扇誰憐况復露井桃開
閨夜永歌來別院和蓮箭以穿花影抱疎櫳掩瑯函而卻月
未免鮫裳帶緩蛤帳寒生銀鎖爲眉三秋不啓珍珠作淚一
斛平量南樓無買笑之金東閣有煮愁之賦於是腸迴痛定
思抽筆先詞帶露以成嘵句經秋而益脆弦么柱促彈成寡
鶻之歌葉焯風酸譜入哀蟬之奏嗟乎江上芙蓉後東風而
亦采華年錦瑟怨滄海以奚堪聊代度詞藉申結轡造懷指
事世勿泥焉

姪娥生小厭鉛華一八椒風是內家不分花冠呼彩伴十三
樓盡鬪盤鴉

六更西弄緒風清新字宜春貼鏡楹紫袖昭容隨例慣蛾班
且自看那行

小謨觴館詩集卷一

五

采殿清防雉尾臨黃麾仗下戟衣深歸來未忍拋鍼線猶是
他年補袞心

驚鴻不學趙家兒那怕披香博士知自有蔣侯神位在雲芳
空寫斷腸詞

義髻黃裙拜建章舞涓誰早侍明光綠窗深掩流蘇合手把
金猊炷夜香

脉脉溶溶月上時芙蓉別殿夜歸遲任他銀鑰收還啟肯爲
羊車插竹枝

梨花風動玉闌寒十二樓頭宴半殘排罷太平排萬歲似聞
新樣要多般

玉階閒竚已黃昏明月梅花總是恩一日未央春帳暖須知
不假賦長門

爲靜樂李洪九孝廉

錫書

悼亡

河東門第魏城君，玉局淒涼望斷雲。
壓鬢西風禁幾度，低眉明月正三分。
苦將蓋篋肩魚鑰，愁對庭蕪話蝶裙。
衰悴來年京洛客，錦機誰與寄迴文。

冬日偶然作五首

道武誕雲澤昭昭，紅日光舉之參合。
陂一夢先兆祥，卻收慕容衆。
乘山觀晉陽，繼運有明元。
屢戰平鳴狼，北陲苦寒地。
善守成金湯，急募棄咸秦。
得無噉宋王。

秋至始折膠，弓勁敵易逞。
宋室多用兵，庸臣悞邊境。
長城失天險，乃劃分水嶺。
樓櫓亦奚爲，鐵騎任馳騁。
殘山浩長喟，野鳥弄寒影。
砦堡無狼煙，吾生抑何幸。

窮邊西北隅，有山曰蘆芽。
上隱劉曜子，服食雲與霞。
層梯倚

小謨觴館詩集卷一

六

絕壁細路橫，枯槎四海亂。
戎馬一山香，草花意欲訪。
星冠重車巖壑遮，銀槍弄觴策兀坐。
聽哀笳，安得韓終輩爲我駕飛

北風號日夕，雪窖無冬春。
長恐歲寒冽，悲哉鳩鵠民。
千山露枯瘦，萬戶皆荆榛。
襤褐且不完，安望燒烏銀。
更有驅車者，跋跛走黃塵。
堅冰上鬚結，駝手成鱗皴。
官舍豪華子，淺酌酒百巡。
庸知道路難，彼此皆勞薪。

地僻山勢促，焚輪鼓萬竅。
時聞空谷中，萬木作龍嘯。
北方尙剛武，並塞氣逾剽。
峩冠羽林兒，長劔三河少。
代馬秋更高岡，恣登眺。
豺狼正縱橫，狐兔亦喧踴。
曷不彎強弓，兼邀縱原療。
奇材卽小用，且博如臯笑。

新正三日襄可亭太守

行簡席上作 丁未

忝列通家子弟行太守尊人文達公許陪參佐醉蘭堂蛾眉
玉塞初三月虎節榮公第六郎太守行六數斗醇醪忘病鶴百番
行卷唱黃塵新晴好策頌春馬雁戶冰天望正長

李洪九公車北上便道過子酒閒賦贈二首

花幕論交半榻於酒場茶陣幾軒渠從無才語窮橫塵大有
元文錄小胥吟社散愁聽落葉故人來似獲奇書臨歧尙要
遲行色墨露還畱一斛儲

星迴月轉歲初終一笑層麻蓋盡空小海唱邀沙塞月大蘆
笳咽夜簾風才名河朔空凡馬春色關山有斷鴻珍重薦雄
文似者長楊賦手向來工

洪九將行復贈二首

一自文駕別畫堂幾將遺挂認餘香淒其紈扇三秋月辛苦

小謨觴館詩集卷一

七

征衫五夜霜揮淚秦嘉仍上計奏書臣朔本東方樽前獨抱
春風感已踏槐花兩度黃

青衫蓬鬢影髮髮明發脂車促兩驂燕市故應收郭隗渭城
容易感何歡詩緣惜別忘重複話屬傾心要再三他日延登
應憶遠梅花笛裏望江南

塞上春詞六首

黃雲遮不斷春紅青帝飛車到紫濛羨煞大牙旗一面最先
消受好東風

綠徧林胡萬里沙玉關草色鬪邊花怪他盤馬彎弓地也學
裙腰一道斜

小桃花放戰場頭萬馬營邊雨乍收恰似虞姬在垓下英雄
兒女一齊愁

七香車逐玉絲鞭隊隊三河俠少年誰信鳴弦好身手解扶
殘醉拾花鈿

壯士全家成紫臺美人都在拂雲堆此間便是遼西地一任
黃鶯喚夢來

阿誰千乘載花遊上將行邊卷碧油前擁貔貅後鶯燕男兒
那不覓封侯

曉雨三首

一枕梨雲戶不開冶遊閒卻好樓臺綠窗何處春人笑剛拆
鞦韆雨便來

花朝上巳劇怱怱一雨涼生楝子風見說斷蕪調馬好錦韉
催試鳳頭驄

檢點新涼強自支放晴休早待敲詩年年酒渴燈昏夜更愛

小謨觴館詩集卷一

六

疎桐葉戰時

暮春城南作

馬上吟情塞上身東風吹側蹋鴟中楊花節裏渾無夢杏蕊
梢頭略見春山石碎疏泉溜急沙田荒入燒痕新憑誰爲說
江南好三月香溪打漿人

署齋卽事六首

園林何謝總難方官閣山腰傍射堂烏几梳風爽甫塵青帷
邀月子雲牀花畦晨縛雙童帚茶竈宵開半段槍試讀秦川
公子賦可能信美卽吾鄉

細帙瑤籤次第開摩挲故紙曲窗隈冊緝貝葉參花首硃點
丹經辨聖胎宿雨氣含琴瑟潤新松陰遲鶴翎來忘情已慣
成南郭甘讓梁園作賦才

高城隱隱起笙笳子夜巡檐感物華風色峭沈三摻鼓月痕
黃帶九邊沙無愁苦憶江東尉易落生憐塞北花差喜粥飯
遙寺聽定中禪味在蜂衙

司空城旦劇蒼黃不到花間曲尺牀問絹客休誇令子折腰
吾莫慰高堂窮邊老屋三升酒故里溪田一稜薑聞說欲歸
歸便得好風憑仗送滕王

兔園冊敢薄羣儒要向書林乞慧珠偶爾好奇人道博浩然
懷古我非迂六更勝快撐魚目百軸油拳禿鼠鬚尙擬琅嬛
求福地酉陽有路莫踟躕

熟食清明過等閒陰晴天氣暖寒間城頭野色還畱雪郭外
人家半在山坐閱跳丸驚石火起聽吹角憶刀環江鄉儘有
煙波夢白板雙扉綠一灣

南山

小謨觴館詩集卷一

九

高齋面南山隱几山在側雲去山蒼翠雲來山蒼塞終年常
相對窈窕不我卽翻身掩重簾隔斷青山色

試話

試話三關好春蕪接雉媒野香麩麥雨炕暖豆楷灰羊裘寒
衣便駝羹小宴開祗餘猿鶴怨鴉噪夕陽哀

中元日擬遊城南未果口占示出遊諸友

踏青何必定春三鈿盒東郊舊俗諳新婦朱輪交揭幔侍兒
紅屐走傳柑衣香隔浦誰畱佩鞭影搖花幾駐驂忽憶汀洲
有蘅杜又牽心事到江潭

莜麥飯

并序

莜麥形似小麥而弱播之寒土則易熟莜讀如油寧武人和

作餌以爲常饈考油麥不見諸書莧乃田器郡志卽以此字當之未詳所據作詩以補廣志要術諸農書之缺持梁齧肥者未足與知此味也

樂天賜防風香味勝珠攬平津餐脫粟故人心不感食色固天性不飽愁顛顛樓煩僻邊陲苦霧晝多掩磽确地脈枯蓬勃天影慘盤無蟹將糖水乏魚投慘阱祿稿未詳齊民術誰覽常羞屏禾菽嘉種出埃窟名殊禹餘糧珍類楚文歇療餓邁蕪菁分植依沙菱刈盼實纍纍華先狀荅荅方苞垂淺房甲坼萌小菌萬畝恣采掇千倉聚阿坎廚孃磨作糜竈妾籬輕攪搏丸水宜調指數指數搗蒸謝翠釜煒火用窖煤黓盛甌粉養香爭食卍兒喊茶甲羅青莖芋魁間白糝羣居靜不吳據案饒有吮三飧腸詎鳴五饋味誠醴邊氓素淳懿飲食

小謨觴館詩集卷一

十

梁吾亦敢

雨望

堠烽寒不傳溼雲澹遙漬院花歛深萼牆燕塌雙翅清風宛故人挾雨千里至野意生鈎簾幽懷落郊次環山解修容一沐浮衆媚蒼潤兼喬林橫天鬪空翠掩冉起客情瀾漫渺遐思闖關煮茶鐺散帙開經笥卻憶江南人輕帆挂淮泗

晚眺

蒼蒼夕樓迴數盡背城鴉隻堠呼韓戍閒坊捉將家邊陰寒馬色旗角閃霜花獵罷者誰子北風吹帽斜

雨夜有懷

雲氣暮城合秋陰忽淡旬江湖生遠夢風雨釀蕭晨世眼名山賤交情失路真問奇空載酒盼斷草元人

愁

缺月偏隨客疎鐙自照人問年過射策搔首悔遊秦世路風波地高堂老病親空眠不成寐何以慰羈身

東劉參戎璫

彭排清肅羽書稀落日蕭蕭照大旂壁壘兕犀團列校風雲虵鳥護戎機行邊飲馬長城窟說劍垂纓短後衣好趁秋晴呼獵士蒼鷹一點草頭飛

當白馬篇贈某左司

六郡良家子結客少年場身爭怒隼疾氣共飢鷹翔朝日耀

小謨觴館詩集卷一

三

組練長風飄襦褱腰間烏號弓馬上綠沈槍十蕩更十決霍霍生迴光兜牟肖山製穹廬傲天張男兒作健身鬪敵不鬪庭黃河流汨勃黑塞鬱青蒼一戰陷堅陣再戰摧排牆碧血裹夫襖模餽獸具裝功成不戀賞持此登明堂

夜起二首

手拓籌邊樓四隅黃花嶺接小單于蒼煙不動亂山睡看仄一丸秦月孤

羌笛慣飛邊柳葉霜笳能說落星心四更虎氣出城角風色怒來聲滿林

萬佛洞

邊風堀堞路屈盤檐牙矗藹浮晴巒入門下馬萬籟寂蒼髯獨吼擎孤竿法幢高拂老蚪影古苔繡蝕連錢乾爰循石壁

拜龍象滿堂纓珞紛團欒雁排櫛比難屈指四大六根同一
觀我聞五蘊本幻設世眼何處窺倪端化身舊傳種種法雷
此色相塵中看摠衣卻步入精舍中有老僧如嬾殘竹爐煨
芋鼠雀靜斐几閱經蘿薛寒澹然跌坐呼不應垂頭自玩閤
浮檀少思繕性借禪悅華嚴法界虛研鑽結廬初地果何日
修門覺路迷泥洹無縫石塏不容世折足鼎鑪多野干靈運
饒他早成佛坐閱大漠生狂瀾粥魚茶板孰棲託尻輪神馬
愁闌單迴瞻三十二身相曠劫未悉空嗟歎流連啜茗擬論
列起聽座客談除官

書宋胡忠簡公玉音問答卷後

鳳箋繕就和戎草玉管分書醮龍腦湛露親承金鴨杯七十
孤臣澹庵老憑誰著眼覩征驂黎母題詩憶廣南已拌瑤闕

小謨觴館詩集卷一

三

章難上獨愛銀山酒足酣詔書忽沛陽春澤朱崖絕域歸羈
客七字方吟蹈海詩千金早募匡君策建炎恩遇讓隆興五
月宮中卻暑蒸纖手蘭香捧荷瓊錦紋御席坐花藤先朝着
舊誰能識南渡中原竟無色除奸未稱藁街心一宵漫紀東
華直細讀綸音涕欲流小朝廷尙誌宸遊空勞妃子歌金縷
記否瓊廬賦打球

土窰歌

伊昔漢時丞相治宮室飛梁石磴陵紅泉又聞君雲擅農稼
重檐複閣陂渠聯河陽金谷渺榛莽何況區區第宅禁千年
天堂高莫攀員莊制何取商量垂久遠永永避風雨一宅無
勞十萬錢五行只用中央土蠓蟪絕塞鄰烏桓白沙漠漠霜
風寒巖居愁傾穴居穩鑿坏以處誰曰藏身難犀銚利鉏斫

山骨連房洞闔封泥丸黏窗不用蜀宮錦塗壁頗取椒與蘭
朝朝大壑流雲護屋頂蒼厓掩深樹細觀一事更奇絕下自
高眠上行路吁嗟杜陵老叟詩中豪破屋卷去三重茅卻思
廣厦庇寒土江郊倚杖頭空搔我儕藏書況苦溼往往靈潦
愁波漂高鳳持竿世所笑虞穌覆被無乃勞何如買山此地
居其卜秋風無驚書可讀同人莫題陋室銘君不見喜父當
年尙陶復

寧武琰

大琰小琰出寧武工勝莎羅色交午長官取擣作地產縣吏
持銀索編戶大琰教舞稱瓊瑜小琰深溫坐席鋪紅香翠暖
畫堂邃織人斂手寒無襦

讀史雜詠八首

客有以歷史中婦人與戎事入詩者所舉未備爲補作之

小謨鴈館詩集卷一

五

十三嬌女侍親闈一騎重關取救歸卻笑當時傳道蘊青絲

祗解小郎圍

荷灌

霹靂弓開窄袖輕一雙飛鳥落沙平蠕蠕公主盤鵬地小隊

紅妝恰並行

余朱氏

牽裙飛控簇金鞍射貫雙鵬左右看見說雍容驚小字何如

隴上有陳安

李波妹

伉儷將軍壓武都從戎談笑擅雕弧陣雲深擁蓮花幕絕勝

平陽公主無

楊潘氏

五季紛紛山雀歌一朝天命在沙陀楊劉夾寨英雄死爭似

夫人扈養多

劉氏

畏氈爲甲帛爲旗仗劔牙門自督師快馬健兒三日卻不煩

老嫗夜吹篴

沙里質

汴蔡重聞孃子軍情因夫婿義因君若爲乞得綸巾隊共看
蠻韉織五文

完顏仲德妻

湫城迢遞西河隔十載腰金佩虎符誰識健鷹飛不到居然

巾幗解馳驅

姚里氏

代州教坊曲

美人舊宅秦淮曲金粉飄零賸寒綠都將六代後庭花種作
三邊紫煙玉三邊地迴陵汾泝水繞滹沱波涼涼郎馬千金
白鼻羈兒家一帶青楊巷巷中綿亘起朱樓屈戌銅環鎖兩
頭夜閣狸奴偎枕角曉風燕子撲簾鈎鴉黃粉白樓前見官
柳爲腰杏爲面倭墮鬢故七寶釵紅酥肌褪雙金釧兒孃阿
母佛奴鄰教就翻翻掌上身乍喚調笙櫻口澀時緣記曲翠
眉顰逢人解說勝常慣習習薰衣香幾瓣分曹射覆薛瓊瓊

小謨觴館詩集卷一

詩

促座傳觴于盼盼不隔南阡與北阡趙家姊妹總羣仙會聯
盒子邀寒食酒按花名啓玳筵珊瑚鞭燦誰年少結騎長楸
走相召束帛憑酬捉搦歌裂繪要博傾城笑傾城巧笑太憨
生那管闌干斗柄橫蓋底靈犀通叩叩帳中人月見明明吹
來蚪箭蓮花漏倦入眉山隱深秀寶釧旋鬆玉一窩文窗低
護春如繡善和坊外屋灣環別有梨園供奉班妙舞字傳車
子薛清謳調譜漢卿關蕩蘿親戚周遭地聚族家闈新伎
雜沓琵琶逆邏槽喧闐曼衍魚龍戲就中最有飄蓬客旦旦
羅襦繚蕪澤問訊纏綿託茵函餘芳珍重藏遺烏纏頭金富
酒囊寬屈指歡場正未闌故鄉不道吳門遠修竹天寒翠袖
單

樓煩風土詞六首

綵幟青幡簇簇排春書纔進綴春釵長官略副祈年請發牒
先勾中瓦街迎春之禮喧爛清靜存乎長官好尚而土俗相沿皆云此禮盛則年穀順成往往試之而驗

翦紈縠紙做嬋娟略比奴星送路邊富媿娶歸窮媿去大家
如願過新年正月五日翦紙為婦人棄路衢曰送窮媿婦去娶富媿婦歸錦置李慶問供奉曰送窮媿婦去娶富媿婦歸

耿耿燈然不托香大填倉接小填倉不須掘窖盤游底平屑
烏銀當麥場正月廿日名小填倉廿五日名大填倉者餅然鑿於倉廩用炭屑布地作圍名掘窖

破費香泉幾斛傾龍擡頭日卅兒迎社公百五仍飛雪引得
癡龍作麼生二月二日為龍擡頭日自外汲水由大門引灑謂之引龍

弓弓黥屐陌頭聽六月香風駐畫軒怪底佳人遲拾翠天涯
芳草此纔青六月六日男婦羣往遊白龍洞名曰踏青

花光釧影出闌都慶月等春與不孤一道香隄萬裙幄馬頭
忙煞玉腰奴中元節婦女傾城出遊席地飲宴竟日始散

小謨觴館詩集卷一

壹

老營堡

何年八面障先零斗大孤城絕漠懸冷日野盤鵬翻燥怪風
沙旋馬蹏圓牙門白鹿爭行炙小隊紅旗罷控弦閒煞太平
蕃漢手細吹羌管唱秋煙

紅門口明五市處

長城鎖鑰一關開千騎會聞互市來和息有名誇納款遮闌
無術仗通財局更衰季邊愁掃地總神州戍戶裁便欲丸泥
復何事諫臣庸帥兩堪哀

大水口康熙中西征準夷於此設站

瘦日忽匿雲驚沙聚吾面蒼山如禿鷲有草不成蒨此路通
瓜沙當年置郵傳盤盤怒石堆一騎走雷電今來臥桴鼓閒
遊逐星奔書生果下馬壯士紅陽燕笑遡陰山風同迎雪花

片頗聞期門言平世毋忘戰伏林有於菟摩挲大黃箭

黃花嶺望積雪

夙聞天山地五月冰雪壯茲登達速嶺積素浩難量千年無
炎夏一白迷背向渾來羣玉峰面面琉璃障或疑爛銀堆不
見桃花浪窮邊月黑時毛髮逼淒愴只有防秋兵甲光不相
讓荒荒呼韓庭兀兀都護帳會酌金甌整龍城約飛將

軍門公讌

大牙雙卷成旗高拓戟狂歌許我曹角吹開攙營妓笛雪花
寒壓從官刀令嚴樽俎排干榼口熟孤虛話六韜此後燕然
儻銘績不才飛檄有枚臬

月夜作

我思仙人名浮邛乘雲御氣鞭六蚪又思漢使鑿空去直貫

小謨觴館詩集卷一

美

星槎博望侯青天碧海斷消息坐見東南生玉鈎玉鈎纖纖
畫簾晚銀漢瀾漫雁初返一聲野柝四山靜絡緯隔花唳近
遠大漠窮秋夜有光登樓羈客欲還鄉誰家搔鬢驚羌笛何
處當窗彈履霜山河大地同清影世事沈浮兩萍梗心逐南
鴻一夜飛情如元鶴中宵警沙草茫茫思萬端人間那有路
途寬飛車莫訪赤松子只請排空上廣寒

鴉

魚鱗霞尾送哀音接翅荒城和斷碁輪與江南鶯燕侶夕陽
邊有萬愁心

小謨觴館詩集卷第二

鎮洋 彭兆蓀 湘涵

南鴻集 丁未迄庚戌

乾隆丁未季秋之月家君以病解職侍籃輿南下入雁門循太原而東越充徐之郊至公路浦汎淮涉江以抵吳會馬背船唇不無所觸凡得詩若干首嗣里居孤寂所作綦渺不復別編都爲一卷夫鴻以北爲家及秋南征爲賓子少長塞垣其視歸也轉若賓焉題曰南鴻取喻且志候也乾隆庚戌元月中澣甘亭居士書於新溪

小築

出東城 丁未

身侍籃輿去心隨馬首東儘拚將傲骨從此犯秋風塢壁旗

小謨觴館詩集卷二

一

翻路鵬梁脊倚空毋多勞祖帳鴉背夕陽紅

簪笏

簪笏非親意操刀試一官政寬宜地瘠心古耐山寨去矣成初服歸歟愜考槃何人傳五柳吾願作雍端

陽方口

三號雞鳴旦落月下長城畫角重關戍清霜萬竈營星懸沙磧大泉瀉石槽清此後西風裏誰來弔北平

途次呈家大人二首

臥擁黃紬被十年阜雕風裏著歸鞭永辭牘尾棲鴉判去覓吳頭放鴨船吏事任人談甲令邊才會笑案丁零只愁尙有臨歧淚一路山民拜馬前

半歇書卷半裝衣無限山光落畫旗白草曉隨馴野雉黃河

宵逐聽冰狸久看漠北安屯牧不用淮西狀事宜關道鞅韉
眞失策苦緣刺促悞歸期

廣武

漢械繫婁敬處非河南之廣武山也

磴道層層轉風煙漠漠愁厓傾寒日隱山豁斷雲流齊虜名
何羨韓王骨孰收悲懷同阮藉揮淚過邊州

崞縣酒間作

投絃悲生事持廉感病親車看壓裝薄僅諒在官貧有疾琴
留橐無糧鶴界人崞山殘雪路捫酒莫辭頻

入雁門關二首

陟嶺山形變軒然起大波谷深容雪厚峰斷得天多馬怯鷹
窠峻人衝虎穴過上關重頰首落日下滹沱

寥落赫連營蒼茫李牧城風雲二晉氣車馬半天聲延鷺看

小謨觴館詩集卷二

二

新堠椎牛問老兵萬山愁立馬吾愧棄繻生

李晉王墓下作

三峰飄泊悲殘唐齊雲樓上歌淒涼誰援十八葉天子朱邪
系出金娑陽赤馬將軍賜屬籍黑鴉突騎威戎羌滑橋轉戰
果頭滅論功第一加平章霸才往往遭忌嫉殤山賊子東平
王表誅山南稱亂首無乃有意相參商東遷奇變起椒殿三
百世禩歸大梁雄心莫遂渡河志坐使木子成天亡我來下
馬拜殘冢豐碑剝蝕龜趺僵義兒子將盡安在楸梧松檉森
成行當年破賊過上黨還軍置酒三垂岡綠衣奏曲感衰老
樽前涕泗流沱滂一笑風雲爲變色奇兒帳下排銀槍獬豸
磨牙競竊國赤心家世眞堂堂英雄獨推獨眼獨豈得例彼
邠岐梁柏林寺旁亂沙草射鳧川口霏煙霜西風蓬蓬墓門

轉雁山日瘦天蒼黃靈光浩魄自來去長與兵氣同飛揚

代州

斥埃笄山路鞭絲鉞墜秋寒泉嘗豹突神水問羊頭塞迴榆
陰直霜嚴馬色愁憑誰話鈞黨一訪吉祥樓

明熹宗時趙南星謫戍代州所

居小樓顏曰吉祥

漢雁門太守鄧都墓歌

蓬顆鼻鼻蔽坏土酷吏雄威昔如虎倜宗三百不敢肆十郡
畏之如大府持節防邊雁門守六角十箭聞風走偶人不中
中漢法終使蒼鷹遙授首嗚呼民樸畏罪班史書獨先嚴酷
胡為歟遺墟過者尙側目轉想網漏吞舟魚救火揚沸理不
常豈但坐殺臨江王不聞同時桐鄉葬朱邑至今遺民猶雨
泣

元遺山墓

小謨觴館詩集卷一

三

野史亭荒宿草橫芳華載酒想平生燕南趙北關河淚大定
明昌廟社情壯闊滄乘悲杜宇老傳詞賦況蘭成青山一片
吟魂逝愁說烽煙上蔡城

續有作

三唐以後論詩法滄海橫流派別分秋兔有豪誰盡力長鯨
能掣定推君銅槃鉛水愁中雨璧月瓊枝夢裏雲雷得蘇孃
錦機在百番低首讀回文

道上見驅驢者被以錦韉寶轡感賦二首

關山雨雪晝淒淒方麴何人走大隄轉眼風前有衰盛翻教
肥馬不成嘶

一撥金珂耀絡纓弄風得意自長鳴誇他令僕人才好忘卻

麒麟地上行

寄題故明孫白谷尙書郊園

尙書邸第近城闈老屋當年綽楔新龍漢已更浮世劫鶯花
猶爲故侯春蒼黃殘卒哀庚癸惻愴斜陽話甲申卻指秦雲
通雁塞函關西望一傷神

忻口晚行

脂車陟元冬慘瘵日在尾隄危路爭猿嶺陡馬綠螳螂颯卷
孤茅勢若走虵虺老楓作人形返照發光燁漢賊談王黃孺
子笑陳豨區區一代相弄兵犯不遑誰家孤冢破髑髏出榛
莽行人攬蓬指得無兵死鬼往劫何陳因阨塞天
舉邊樓浩歌爲獻歎

野店

小謨鵲館詩集卷二

四

野店日初昃桐羊亦可斟沙團羣幕小山壓一村陰戍戶稀
黔首殘槍委綠沈怪來東去馬猶有北風心

落月

落月射車背四更寒氣微斜光冰著手一白雪侵衣羽騎行
多噤林鴉凍不飛濁醪能暖客曙火趁巖扉

太原

展軫抵狼孟舊地扼河汾碧瀉唐祠水黃飛漢塞雲儉風存
古帝比屋半牙軍不見安于老關門又夕曛

止太原旅中盛觀察

祿

出朱提以佐家君辦裝感賦

行色蕭疎滯晉城西風吹袂峭寒生大錢何補空囊澀繡斧
能憐薄宦清萬里河山開笑口一家風雪穩鄉程懸知種橘
千頭者未必關心到上卿

晉陽懷古四首

嘉禾唐叔分藩地草付兒孫割據州百戰終輸姚弋仲一心
難得呂婆樓風煙暮逼三城戍山色淒連五將秋太息鳶泉
談報復有誰雄略繼堅頭

河魁帳卷朔風涼賀六渾開霸府強青雀天教化鸚鵡蒼鷹
家早奉魚羊邊頭夾隊花千乘陌上迴軍酒萬觴欲向韓陵
求片石岷巒山畔路茫茫

萬吉丹書授籙新區區宮監解亡秦募兵先借雲中寇仗鉞
終歸日角人百道虹光占紫塞一房弧矢走黃巾曾緝創業
温家注愛說乾門王氣真

金刀餘孽勢飄零四塞空勞占地形不待真人生怕赤早看
天子有雕青嚴城百匝驚躡甲丹仗三衣笑講經休問飛鸞
層閣址草痕猶帶戰場腥

小謨觴館詩集卷二

五

晉祠米

一水泠泠流碧玉種出嘉禾異常粟滑欲翻匙飽猶噉白若
截肪看不足土人貧薄那易嘗畱與長吏充餼糧安得此水
徧西北便使鳩鵲皆膏粱北風矻肌天似墨道旁流庸餓無
色對食苾苾不能進粗糲吾儕已逾分

榆次

清跨橋頭水汾流一道深叢山渾睡態獨樹抱冬心縣古傳
聞誤田荒野燒侵殘墟畱武觀酌酒弔盧諶

壽陽驛感韓文公事作

幽州兵向深州舉尙書不與健兒語么麼種出阿布思血衣
那記先太師侍郎宜慰辭京闕獨以一人探虎穴園花巷柳

總關心淒絕團團馬頭月嗚呼縣官安復危韓愈可惜知者
誰朝廷祇救牛元翼獨不見希烈懷光殺齋勅

井陘關

羊腸犖確徑屈斜冠山迴首紛煙霞石梁險澀跬步怯陵兢
馬足煩鞭撾流膏石髓迸崖骨矗雲危棧森齟齬牙峭壁截路
路復出仙掌何事多要遮曉風過耳聞畫角雄關入眼生槎
枒地當燕趙此阨塞金刀鐵馬肅不譁悠悠旌旆颯秋爽浙
浙斷磧披霜花山川滿目色不改廢壘卻憶成安家由來窮
交固難恃刎頸那保無乖差鉅鹿脫印禍已伏草山赤幟紛
鬚髯凶終隙末有如是人世敢以金蘭誇淮陰廣武皆蟲沙
滎陽成臯空攫拏時平惡聞形勝說填胸腐史胡爲耶孤村
坐據天下脊落日獨數投林鴉噫嘻金城鐵牡勿復論頗憶

小謨觴館詩集卷二

六

江鄉青竹一道圍籬笆

平定州山行二首

平川起陂陀如項忽生瘦征車輾沙礫有若骨在哽疲馬力
無多兩驂一轅并初登視後鞭再陟繼前猛石坂橫層霄輪
蹶亂人影怒雷碾雲中餘響落諸嶺地是燕南陲東扼常山
境干戈老羣雄煙火俯萬井豨膏與棘軸斃飢終朝騁世路
多欽歎攬轡還自省

盤盤入叢巒老樹紛蚪繆庵前有來騎仄徑出馬頭崖深野
穉據泉落蟄屋愁怪禽嗁暗谷脚底聲啾啾忽上羣峰巔日
色慘以幽九天飄欬唾一掌收并州人傳媧皇廟遠在西山
陬配以太昊祠神座肅冕旒寒煙井陘重般氣金方適手攜
太行雲高吟陵九秋

山店醉題時夜三鼓

顛厓架夕風寒劔樣尖山面面攢疑在將軍氈帳底橫磨
十萬月中看

又絕句

繩牀鋪草戶纏藤身宿危巒最上層尙有新詩題壞壁寄聲
山鬼莫吹鐙

眞定

孃子關前數塞鴻黃鬚馬客走蓬蓬地爭秦趙殘棋劫人有
幽燕老將風漳浦清流霜坂白西屏高掩夕陽紅曾聞買醉
堪千日要訪村墟潦倒翁

腰站贈人二首

茸帽初彈九陌塵當筵紅袖昵生春傷心莫譜關山月半是

龍堆塞上人

小謨觴館詩集卷二

七

朱唇低沁玉梅香涼月分犀映額黃同是盈盈畫堂女阿誰
容易嫁王昌

東阿懷古十六韻

舊國追河沛遺墟接魯滕君侯湯沐在祠祭祝官承鄴下名
藩建黃初夙德升恩情憐白馬身世痛蒼蠅詞賦家庭擅猜
嫌骨肉仍臨觴心獨拊賚枕事何曾志切三光照才寧八斗
矜然其煎太急縱布患應懲祇有名山業能教異代稱定文
推主簿采實念家丞典午風誰繼遮須誕莫憑雅歌開七子
高殿廢三層華屋生多感丹情願不勝魚山今寂寞響藻昔
蹇騰跡杳芝田駕靈依紺宇鐙惟應聽仙梵流韻繞觚棱

魚山神女祠十韻

翠幃藏燠地輜駟入洛人仙家畱眷屬天上締絲緝匹擬文
簫亞綠方匏爵親旄旗蹤隱約霞靄望鱗皴夢雨瑤宮夜苔
花玉座春辛楣冷香火甲帳闕音塵調不聞湘瑟芳誰薦渚
蘋蕙蘭前浦遠松檜四山鄰風馬雲車路明璫翠羽身長歌
流水曲惆悵當迎神

在平馬周故里

一斗八升酒懷壯二十餘事封章當奇姿不愜鄉里兒知已
乃有中郎將賤作新豐旅中客貴賜翠華宮畔宅男兒生爲
忠孝人亦仗區區薦揚力火色鳶肩土一邱平林落日生羈
愁才如終賈世不乏吁嗟常何何處求

嶧山

榛燠起林垞風色來徐泗孱顏望單椒嚴冬闕寥窳始皇昔

小漢鴈館詩集卷二

八

登封頌德諸儒議傳資樂石堅體析窺巡字秦法愚蒼黔劫
灰掃圖志如何思不朽終藉文章事野火燔琳琅晴雲蕩郊
隧羊車渺遺蹤鳧嶺接遙翠聊當撫孤桐一貫魯酒醉

匡衡墓戲占

說詩千古重騷壇妙義曾經付學官聞道解人頤便好可知
莊語世間難

蕭望之故里

貝錦憂讒甚申椒寄怨深并將臣子恨同感客遊心古碣草
交偃陰風樹一吟千年恭顯輩曾否有知音

邳州

孔望山連鐵佛峰夕陽蕭寺不聞鐘幾尖檣影邳城屋萬粒
煙痕下相松終古風霜憐朔雁及今人物孰元龍殘黎乍墊

黃流殺珍重連牆聽夕春

夜行下邳驛道中

替戾車鈴弄晚晴朔風吹炬滅還明銷魂馬首初三月放眼
江南第一程帽壓霜華寒有氣天迴珠斗浩無聲長年星飯
宵征慣燈火煩他候館迎

項王墓歌

英雄失意庸奴笑書生慣哭憤王廟茫茫白眼三千年到此
纔堪一憑弔生王之頭直千金死王之壙無十尋行營高敞
亦何事同盡笑爾韓淮陰不見秦家金銀錮三泉玉魚金椀
來人間又不見漢家復土稱將軍長陵積殘對斜曛贏顛劉
蹶都草草黃腸便房跡如掃海東地接田橫島毅魄英風尙
相保

小謨觴館詩集卷二

九

曉過圮橋

前村晨雞喔喔鳴枝頭宿鳥拍拍驚雞聲鳥影兩闌寂落月
樹梢時一明征車輾輾塵生軌照眼依稀板橋水虎嘯人亡
往事非臨風約略雲波詭欲問東城黃石公榛煙莎草劇濛
濛素書莫讀陰符秘太息蕭條徐泗空

清江浦

清河一小邑南北爲通津閭閻雜鰕菜菘井亂雞豚杉屋不
盈丈戢戢如排鱗面河列屢肆匝岼羅蹶輪我來朔風厲哀
此鳩戶貧昌披婦子服歆倒蓬蒿門父老集二三爲言水患
頻茨防一不慎命與魚鼈鄰嘗攷水工言河淮流本分及茲
會入海故道垂千春自從前明來東南漕粟勤爰復會通河
長隄葺歸仁障淮出清口勢與河吐吞借淮刷黃流不使波

奔渾轉漕旣源歸墟亦云云淮河兩不害輸輓相因循一朝周橋開淮水皆東淪濁清力不敵沙壅淤海濱逆流入此浦吼怒驕波臣挾淮走洪澤蕩決無厓垠高寶爲下流范公隄久湮桃花春漲起千里波粼粼菱蘆歲頻斂邪許動萬羣增土但保隄孰爲究其原東望雲梯關滄瀛欲揚塵西眺高堰工岌岌臨城闔處堂紛燕雀蕩析愁朝昏陽侯何足怪毋乃苦淮民兀立西日斜烏鳶敗蘆蹲作詩不辭拙願問防河人

淮安一首

月波樓下楚州屯處處風閒檠戟門輓粒崔昂開邸閣算鞭劉晏課牢盆黃旗青雀河師舫翠屬紅螺賈客樽不道艱難求一飯市頭還有漢王孫

小謨觴館詩集卷二

十

沈玉寒菱傍大河荻苗秋水漲洪波將軍日下洪園竹過客空吟瓠子歌泉府煩糜貨貝蒼生真恐化鼃鼃諸公賞莫膺焦爛一帶邊淮稻蟹多

河魚歎

白白河魚潤盈尺掉尾揚鱗足膏液撇波又得誇漁夫賤直攜來飽行客向時河伯大肆威傍河居民獲免稀死者已矣生乏食殘黎瘦盡魚獨肥老饕七箸不遑恤往往毒淫成腹疾我寧舍之啖薇蕨纖鱗中有蒼生骨

賣馬行

并序

舟次維揚斧資告匱予攜有二馬係得自塞外者乘之有年矣及此遂減價售之馭人以供旅費作賣馬行

廣陵門外人如織牽馬市頭問馬直金珂玉勒不被體風鬣

霧鬣無顏色憶從渥注聯轡來黃驄紫燕非凡材慣踏層冰
陵雁磧幾驅朔雪眺龍堆羈人一唱東歸引欲別驛驢良不
忍欸段還思下澤遊鄉程先仗霜蹏繫并州已過歷齊州茸
帽蕉衫穩上頭有約衡門飽場藿不教塵土走長楸寒雲慘
澹淮南道卻顧囊錢空似掃已無白飯養諸奴那辦青芻充
馬草關河相對愁心顏山程水驛多間關安望越裝分陸賈
直須駱馬嚮香山脫付青絲駟人手論價還看步工否故將
醜語詆權奇忍使吞聲伍衰朽得錢便可作歸資多寡安能
重致詞從來失路身多賤此後鞭笞吾豈知馬聲嗚咽人聲
遠予子河干日將晚莫憶春蕪射雉場莫提淺水呼鷹坂只
合歸營二頃田飯牛扣角過年年綠楊陰裏誰家子叱撥呼
風試錦鞵

小謨觴館詩集卷二

七

廣陵曲

錦作長隄香作市九陌浮埃蕩煙紫八代文章廢選樓一溝
漕路徵盲史吳公臺畔波粼粼三十六封書惱人楊家阿廢
定何物萬古畱此風花春狎客名倡盈劇郡珠衣豫飾誇嬌
韻夢喚司勛白日歌杯傾叔寶紅梁醜別有桑羊擅豪華
轂蘭舟鬧如沸紅女生無蠶績課傭奴亦識金銀氣南部煙
花醉不醒廬陵玉局返瑤京夜來鶴背三分月可有仙翁太
息聲

平山堂

平山三過憶髯蘇彈指光陰事有無壁上龍蛇渾昨日眼中
花月笑今吾波熬積雪研桑業簾卷珍珠士女圖一種醯雞
成底事轉頭真欲問毘盧

史閣部祠

鐵礮摧城弔國殤衣冠畱墓拜堂堂夷吾自灑新亭淚江總
仍飛曲院觴半壁山河撐赤手九霄箕尾落寒芒燐光都在
梅花嶺披髮依稀下大荒

舟夜

笙清簧暖忘宵涼羅綺迴舟水亦香一搦人間娥月影受降
城畔獨如霜

次吳門作

長歛雞冠氣未摧十年居近李陵臺行滕帶得樓蘭劍徑向
要離冢上來

抵里門

十載聽殘勅勒歌鳩車竹馬夢蹉跎入門生被羣兒笑吳語

零星記不多

藥闌

藥闌曲曲繞筠廊記得見時舊納涼今日文章成結習逢人
先問讀書堂

冬日雜感六首

林棲感元象二曜無畱光況乃塵中軫勞勞各啾噓浮生寄
稔粟敢云歸故鄉墜葉從迴颺偶落根株旁南垞竹休種北
堂琴莫張試看林際烏覓粒仍高翔

參差丹穴鳳容與女牀鸞羽儀自湛澹理翮愛修翰翕忽儕
鴻鳴芒芒隨逝瀾庶情任耳食時尙昧遐觀衆鳥各聳聳聳
禽良獨難

夙向慕漢陰機心未能慣妍媸本定形轉輾淆真贗傲月乃

珠胎笑鵬在籠鷄單慧或汎剽執古生憂患探原理有恒入
世事多謾吞刀與吐火此術非爲幻安得謝埃竭孤芳擷瑤
澗

嚴霜隕衆色歲宴時旣昏櫛椽感嘉蔭標壽自煩寃向榮貴
乘運應俟美斯存長養一失節叢駢誰復論

中澤撫芳蕙所思在海濤美人隔閭闔耿耿馨香心微燧自
滋露白雲終杳深叢蒲並攢蔣日夕愁相侵浩唱妃稀詠淒
然還故林

單襄當鑄幣圜法論固宜太史序貨殖意激聊陳詞讀書非
學賈奈何競刀錐歷世慨微抱得情還自嗤商山有芝朮采
采無窮時

春暮述懷四首

戊申

小謨陽館詩集卷二

三

墟里蕭疎枕逝川春光晴轉海東偏風清燕雀凌晨舉潮落
魚龍逼夜遷井稅關心西瀼屋烽燿迴首八閩天傳聞溟渤
鯨波靖正下戈樓百丈船

削木潢池溯九秋鯨鯢多厓杞人憂盧循跋扈吹脣衆宗懣
艱難破浪舟輓粟牙檣催赤棒刺船身手覓黃頭清時軍費
徵求易未用春陵賦道州

樓船王濬一江分玉帳鏡歌夾道聞先遣營前收債帥直從
天上落將軍鮫宮涎長降幡出鼉背煙開賊壘焚容易渠魁
單騎馘土人齊拜李摩雲

爰書罪狀議元戎養患誰論血戰功窮寇已俘徐道覆太勲
專屬寶安豐好求清節懸魚吏永臥高墉射隼弓白浪不驚
燐火息一樽離落醉東風

北郭二首

一鏡浸寒綠扁舟破水煙遠村圍樹密柔艣劃波圓撈蟹茅
支舍分畦竹引泉買山吾意決家近下鄰便

坼花時一落汀樹曲逾深斜日竹間墮微風川半陰邱園終
畝計湖海倦遊心寄語天隨子無爲久陸沈

無題八首

上清曾與訂葳蕤甲煎香浮罷采芝風度紫簫都入破骨安
紅豆最相思鳳團碾片新涼後蠟淚成堆夜淺時祗道銀河
無路隔撥雲蘭漿渡流澌

倦客寒氈獨下關落痕空砌雨斑斑青梅綠葉飄零裏碧杜
紅蘅想像間弱綫有文傳手跡強臺無路覩眉山蓬萊咫尺
神風引虛向雙成問阿環

小謨觴館詩集卷二

古

杏梁春暖畫檐層輪爾穿簾燕子登曾愛新詩籠翠袖可無
才語鬪青綾淡浮銀漢娟娟月明點霜羅耿耿燈怪底看朱
動成碧豔情愁緒兩難勝

銀鴨香殘火漸消謝孃眉嫵沈郎腰一雙瑤爵虛三酸五十
冰絲厭六么濃雨苞仍含豆蔻嫩風心不展芭蕉年來笑口
渾難啓孤負蓮花玉女驍

憶昨涼蟾透碧紗春風吹枕忽天涯芙蓉帳小邊鸞畫鸚鵡
籠低史鳳家鬢影衣香歸夢幻醉魂吟魄繞燈花東皇消息
渾依舊又是蚪檐斗柄斜

望仙樓上望橫波碎佩叢鈴隱約過畫月闌干釵股細呵簧
笙管口脂多虛煩錦幄三千拜誰占濃春十二窩無價韶華
梭掾擲翠深紅隙奈卿何

駐馬楊林試問途，蘅皋人去杳平蕪。
蕙情託賦摹元叔，山影橫江望小姑。
生長華鬢原色界，隔層香霧便清都。
癡頑賸作飛仙想，太白梁清事有無。

九陌垂楊色未勻，早鶯嗁徹翠帷春。
璇臺自有飛瓊座，湘浦虛勞解佩人。
蓮漏淒涼吟昔昔，彩綃婀娜喚真真。
鄂君繡被薰都嬾，盼斷新來笑與顰。

析居

補屋檐牙做茅柴，已索綯但須防燥溼。
不厭蔽蓬蒿裝薄檐，囊易書多插架勞。
迴看舊松菊三徑劇蕭瑟。

新屋

誰言居不易，此地足桑麻。近市小人家，清名廉吏家。
富憑歸北阮，寒未累西華。老圃差堪羨，長鑿學種瓜。

小謨觴館詩集卷二

五

郊行二首

客思縈紆野岸長，筍輿清曉促朝陽。
紅林烏柏殘冬路，淺水平橋昨夜霜。
地脉垂瀛畱壯縣，天風吹海感枯桑。
休言斥鹵無收穫，臘酒農家已築場。

東南地盡白雲邊，百雉州城鎖野煙。
湖口艤艫通各島，村墟溝澮貫千川。
頻年玉粒供輸易，在昔金湯組練先。
表餌尙煩籌海策，伏波休便廢銅船。

閒居漫與十二首 巳酉

地近蓬瀛白浪通，拍村新漲撼青銅。
雲奇忽作鯤鵬翼，野曠時來鶴鶴風。
入漢何人占在斗，望洋有氣吐如虹。
無因去約宗元幹，手挂扶桑兩石弓。

水國東偏一墨莊，綠槐高映讀書堂。
到門客任題凡鳥，作尉

吾真笑爛羊冷耐柴桑宮五畝雄拚劉墮酒千場無端觸撥
狂奴態又引豪情到白狼

壯遊前夢斷樓蘭落拓江鄉王子安少日關山揮手易春來
花鳥賞心難芙蓉華鏢三千丈風雨秦松五十盤欲駕青蚪
上瑤圃崔巍虛負切雲冠

醯雞尺鯉事云何一曲南山耳熱歌鸚鵡聲華前自誤鮒魚
名士近尤多強宗靜笑當門薤空谷寒寥補屋蘿千載靈修
隔江水通詞直欲託微波

田翁社釀且同傾月旦憑他里黨名喚作酒人應識我便推
詞客豈千卿狂瀾學海今誰挽棊局中心恐未平莫怪積唐
筵上客寸心行共野鷗盟

授策橫經比塾同毛錐得失感鷄蟲青山遺老憐頭白丹訣

小謨觴館詩集卷二

六

旁門鬪焰紅折角敢輕摧五鹿會書人自笑丁鴻爭雄無幟
談無塵此事還應讓乃公

楚騷漢樂費覃思閒做鍾嶸自品詩俊侶罷參清月社心香
孤蕪浣花祠十年面壁愁乾慧一輩傳箋笑論癡徑欲求才
到芒屨此中或有呂嶽之

啓口紛綸問具敖願魚無網劇勞勞誰從和仲求犀角謬向
超宗覓鳳毛坐霧書生千日醉笑人星宿九天高商量攜取
金龜酒獨上神山釣六鼇

黃金揮盡漢朱家尙有君雲義足誇相和更無林際鶴自尊
何怪井中蛙低眉吳市簫傳曲放眼平原劍吐花算是長鑱
還計得青門今種邵平瓜

漠漠苔花上綺寮杜門無計避塵囂喜從野寺尋僧紹間章

狂文續孝標夢裏何心蕉覆鹿客來須恕口呼貓香蘭尙愛
當門守日日斜陽抱甕澆

衡門菽水蓼猶甘落落清風蔣徑三懸樹荆鞭仙欲笑送窮
桃茱鬼寧諳狂懷徐邈時中聖故態朱公任長男蠟屐一生
穿幾兩聽鷓且爲置雙柑

散人休道絕弓旌風味居然傲上卿文苑晝會題九錫槐宮
宵自擁連城看花章奏通明殿插棘籬開細柳營如此頭銜
原不賤放教天爵屬狂生

擬新樂府六首并序

予素不喜擬古歌辭以其句摹字倣有宗法而無生氣蹈前
明王李諸公故轍也顧獨愛樂天文昌仲初諸新樂府比事
類情長於諷喻足爲虞箴原誦繼聲暇時偶有聞見輒效爲

小謨觴館詩集卷二

七

之塵得六首中間或弔詭其辭要取言者無罪聞者足戒若
以爲元叔嫉邪劉四罵人則吾豈敢

長官壽

長官壽長官不自壽僚吏相爲壽酒不必東海珍脯不必西
方麟添籌有物在囊橐安用祝予千萬春門前賀客會堂上
笙歌沸百酌醉不辭三更歇猶未是時歲闌天雨雪鄉亭屢
報溝中瘠

當關僕

睥其目瞞其腹狐裘貂冠尾秃速一刺價值千鍾粟身是貴
官親信僕貴官如神天上坐卑官如鬼候門左以鬼見神勢
本難況有虎豹常當關虎豹當關差勝若不爲錢刀濟其惡

浚河渠

日者府帖下云道浚河渠田夫任力役業主任蠲輸朝擔五斗泥暮去一尺土岸頭蓼蓼催大鼓赤日行天汗如雨華輿翠蓋何雄豪沿隄鞭扑聲嗷嘈近來官長多嫻事不論農桑論水利吾昨扁舟葦舫過沙深水淺奈膠何舟人指點向予道此是今年新浚河

輸租樂

輸租樂農人不樂土人樂二頭不須田負郭卻向太倉充鼠雀杳矣均田圖茫然手實法某乙租庸移某甲勢與長吏相傾壓長吏無如何逋布疊纍多公私各有利違復相譙訶獨不見農夫擔負官倉口顆粒何能角升斗多寡一任量人手遺秉滯穗皆入官鳩形婦子吞聲還

讀書堂

小謨觴館詩集卷二

六

曉升讀書堂時藝滿屋角諸生口嘈嘈師長面嶽嶽經史子集束高閣別有真傳博人爵曷不飛去生處樂胡爲東塗西抹高著眼七略九流自纏縛舉秀才不知書察孝廉父別居西京取士已如是何況區區較文字

賣菜傭

生不願交賣菜傭寸絲尺粟親緘封生不願交賈人子百歲心思在包匭十萬一紫標百萬一黃榜李核須鑽籠須障子母兼權較銖兩世無梁伯鸞自熱不成爨世無季布諾誰爲救急難不如去逐韓嫣流黃金尙肯輕爲彈

學山園遺址觀荷花

夜夢西嶽遊蓮花峰頂坐朝來理輕策池上看猗儺嶽尖萬朵青芙蓉一一化作陵波紅方池尙隔三數里先遣鼻觀通

香風菱蘆鷓鴣相勾引眩目明霞萬千本遠牽荇帶隨陽敲
近護苔錢貼匳穩鮫宮仙人絳羅襦冰雪作骨頰玉膚紅雲
下蒸香汗溼翠蓋捧出傾城姝涼颼忽向青蘋起清漣皺綠
霞裳靡的的分明羅襪塵盈盈只隔秋水水嗟哉憐此十頃
荷曷不亭子開鷗波薜顏誰使泣無主荒郊蔓草薶煙蘿老
輩淒涼向人說學山園昔稱奇絕四照曾圍窈窕窗木蘭兼
有蓮舟設當時黨魁誰最尊名流都出平原門十年誰敢收
張儉一飯亦解哀王孫疊石爲園面環翠上客三千此中醉
萬顆明珠護綠雲平波不動秋香媚自從運阨黃楊閏珠履
堂前散英雋一年寥落一年積百廿年中賸灰燼祗餘滑笏
水蔚藍劫火畱此蓮花潭路人歎息蓮花笑鶴唳猿嘯漫憑
弔君不見平泉梓澤鎖寒煙我輩踈狂劇放顛典盡秋衣貧

小謨觴館詩集卷二

充

不覺癡腸猶盼買山錢

送女弟湘蘅歸吳興

朔風吹雪滿林端詠絮人今事伯鸞營帳也應憐父老調羹
先要博姑歡奩清書卷裝仍薄族大賢名得倍難好等柳花
桃葉候歸寧重認舊門關

再示女弟

慘澹慈帷閉不開北堂先抱蓼莪哀九原同灑泉魚淚百兩
愁迎弄玉臺揮手但然三夜燭頰椒須晦一分才大雷他日
書能報尺素頻煩走僊來

月

不分飛明鏡團圓溟海東憐他九霄上照我百憂中氣欲天
風引呼應帝座通大清無點綴心地愧虛空

詠史四首 庚戌

徽外鄙君蒞天南太白懸枕戈劉越石聚米馬文淵
毳帳蒼梧雨雲旗八桂燼存邛長卿志不畏墮飛鳶
惻愴申胥淚艱難象主身六師開瘴癘一戰定君臣
瓔珞婆羅舞山花吉貝春曾聞班定遠特許畫麒麟
漏網驚妖鳥旋看鼓翼升遺黎鬪蠻觸新戶走其勝
高子盟何望無虧戍漫增罷師非息戰毒霧正炎蒸
大長單車走元龜琛獻恭似聞刑白馬不用謝黃龍
兼弱天心定輸誠漢法容越王城畔路長撤戍樓烽

小病

未擬踈書卷差堪謝友朋
獨兒自嘲哢鼠子任飛騰
倦眼花成霧閒房味過僧
羨人如健鵲原上臂秋鷹

田家

小謨觴館詩集卷二

干

踈籬生暝色出屋倚柴關
燼際一臺笠東原人已還
白雲點秋霄有意無意間
嫵娟溪上月媚此蛾眉彎
鄉里足娛日休言井稅艱
長當謝湖海力穡耕南山
南山亦可耕憂此水旱難
水旱亦偶爾征稅事多端
吾儕生治世箕斗不須歎
勿盼蠲輸屢勿覬鞭扑寬
但得早完賦催科皆好官
甕頭新籩酒聊博餘年歡

放鶴詞

碧空澄澄露華冷健挈霜毛去
緱嶺通翁望斷次寥天
祇賸一繩秋鴈影人間糧料何爲哉
定知效羽非仙才
梯飈羨爾瞰滄海珠樹月明歸去來

文姬歸漢圖三首

路出祁連塞草寒雨雜拋去返呼韓紅顏別有傷心事莫與
蘇卿一例看

明妃冢接烏孫路又送文姬萬里還看盡往來人似玉無情
最是紇干山

茫茫家國萬愁來有幾蛾眉絕域回一種英雄輸女子月明
揮淚李陵臺

廣小遊仙三十首

倒景金門詆蕩空排閭宵半趁罡風十花徧照樽桑木地蓋
星衢一色紅

九關虎豹屹重重瑤水鴻天欵步容我是童初散都吏玉冠
休認碧芙蓉

檜櫂銀雲擁翠幢通明殿裏曉鐘撞外臣記得朝天節不敢

小謨鴈館詩集卷二

三

迴頭玉女窗

薰香齊拜九華芝十八班心見百司恰值騎鯨狂太白退朝
先索步虛詞

準擬排空徧九圍異書先與訪靈威洞庭波浪連天遠要乞
花龍送我歸

風姨青女笑相於月地雲階玉不如徐步丁寧天路穩畫輪
休碾阿香車

玉檢金泥出上都踰屨給札到狂夫分陰好趣壺中日細按
眞靈位業圖

豐隆梵度手標題三十三天號不齊忽展黃繩案行國方言
重爲補撈率

小篆雲書鳳字牌斗牛宮闕闕瑤階紅塵大有衝霄氣誰把

豐城古劍蘊

廣寒清宴啓樽壘奎壁羣英雜沓來自向元都數人物此中
真有投天才

玉樓摧崔會羣真長爪奚囊古錦新畢竟憐才推帝府修文
畱待嘔心人

仙樂玲瓏過耳聞瑤京身任往來雲白榆不隔黃姑路只礙
紅牆一道分

天台鶴馭訪山樊洞口春張怯夜幡我亦生身兜率界桃花
紅處便停軒

龍斂雌雄出匣寒隱孃持贈有雙丸夜涼月白西風緊瀉向
銀河影裏看

飛瓊侍史蘭香女又見雙成與阿瓊遇著玉卮孃一笑春風

小謨觴館詩集卷二

三

小字滿人間

路入銀潢渺水煙流黃機上自年年玉清也有催逋吏未許
天孫貸聘錢

山香小隊譜雲韶衣藝都梁頰暈潮分與人間愁萬斛珍珠
如雨撒鮫綃

句曲鸞環石磴包良常高處訪三茅洞門不用闔翁守竹杖
挑雲自在敲

堆槃雪藕間冰桃小宴瑤池月正高貪得鷺鴦肴佐酒不須
剗髓借蘆刀

七澤三湘跨鶴過洛川人遠隔微波迴頭滄海情瀾濶飛控
雲車度愛河

芙蓉鶴氅受風斜擘脯仙人走鈿車徑欲煩他織指瓜碧雲

深處撒胡麻

善水香園問務光天魔旁瞰劇披猖如何不講流鈴法却授
丹經點石方

是非不用說三彭官府神仙色色清只有護花心事在綠章
千遍叩通明

玉案珠簾翡翠屏蓉城花霧闥娉婷人間翠被寒多少莫遣
笙簫弭節聽

鯨魚跋浪水層層方丈飛車試一登上得三山最高頂坐拈
花片打鯤鵬

忽解霞裾上釣舟武陵溪水碧於油山田不起青苗例飽飯
桃花過一秋

朱弦獨拊寫秋心月落江空調轉深不是成連來握手海天

小謨觴館詩集卷二

三

何處覓知音

鴻寶親從枕畔探驕王禮數感淮南爲言都廁三乍謫雞犬
歸來也抱慙

夜摩忉利氣清嚴癡擬移家問史詹報道圓靈無著處玉樓
齊下水晶簾

丹籍空將姓氏嵌散人還我舊頭銜金庭芝草年年長準備
鉏雲白木鏡

小謨觴館詩集卷第三

鎮洋 彭兆蓀 湘涵

星社集一 庚戌范壬子

星社集者湘涵彭子隨親潁州作也潁固淮北雄郡晏
呂歐蘇遺澤未泯風雅之士相與揜裳聯轡訪二柳之
亭賦聚星之雪中間往還南北山川人事類皆托諸詠
歌不幸不祐洊丁艱棘躬奉廣柳歸耐故邱捐棄筆視
者閱月二十乙卯秋乃援祥栗例補作別友遷居諸詩
計庚戌陽月至乙卯秋仲六年詩舊爲二卷索過風於
前林追往夢於旣寤識者或不以爲非禮歟乾隆乙卯
壯月下澣甘亭居士書於城南小謨觴館

初冬將有潁州之行感書二首

庚戌

小謨觴館詩集卷三

一

將車奉杖又江干未許衰親賦考槃漠北遠纔拋旅夢終南
高欲比憂端一繩天數賓鴻急半袂書馱蹇衛寒此去聚星
堂在否勞人休作季方看

乍歸陶令秫田蕪五柳門邊半詬逋笑悟指因前輩少浪傳
焚券古人誣貧憐鶴料看猶好老嘆羊裘願總孤潔白吟華
吾自愧玉義新卷彩衣圖

留別諸親故二首

野水淒迷碧玉環短亭衰柳不堪攀佳兒終忝王文度別曲
愁聽謝阿蠻微祿斗升勞白髮片帆風雨夢青山灑西都負
比鄰約酒熟鷄肥老閉關

鷗鷺頻年訂夙盟披風抹月故人情論文名敢居飛將縱酒
銜曾署步兵殘燭冷灰談草草短牌長堠去程程拏舟有日

焦陂路清穎亭邊打漿迎

發維揚途中雜詠八首

極浦王恭初月橫江謝朓餘霞遠望屬者獨者不辨松柏

耶

赤甲白鹽商廩紅關綠浪歌船彎彎月子無賴衮衮錢刀可

憐

聒耳詩傳鄭衛當官人比歐蘇一種敬容殘客誰歌長欽歸

乎

羊頭車子一兩花面雅鬟十三伊誰載春西去生小不事桑

蠶

山色滌陽黛染柳陰西澗煙開含風村村翠滴排闥戶戶青

來

小謨觴館詩集卷三

二

陰陵大澤馳道天險藩籬壽春祗恃長江十萬南朝可謂無

人

白石安豐舊埭青山下蔡孤城只有淮王愛士幾曾殷浩知

兵

淝水茫茫戰跡謝庭能學韜鈴絕憶渠家兒女團欒詠絮鈞

簾

暮秋省親再之穎州述懷

辛亥

生無遠遊心似具遄飛翼不作襄陽估終年去鄉國臨岐路
迢迢拂袂寒側側周諱辭親串悄悄攄胷臆雪領高堂親十
年官絕域懸車三徑荒仰屋百憂逼一瓊託經師三嘆爲衣
食昨歲月在丑北風天宇黑江寒舟楫稀山險石壁仄遠道
勤扶持衰齡苦筋力到官舍如冰破屋蔓叢棘隆冬爨煙冷

欲語氣先寒春舸我暫理秋駕裝重飭馬蹏不能方錢路真似織渺渺孤雲飛天涯起愁色守株願則違塵海計非得何時可抽身林泉快棲息庭闈靜怡顏子婦分供職廁滌萬石褰簷饋曾孫稷老屋朝噉温書窗閒吮墨

由無錫至常州

波紋瀲灩雲有無迎潮擊汰芙蓉湖龍山錫山兩入眼煙螺細膩風鬢麤我聞此水名九曲中有突兀茅亭孤文甌甌甃不可見桑屐輪彼鴉頭奴身隨雁鷺穿荻蘆故宮桃夏稱通都春申事去二千載珠履賓客成嗝烏離亭才人魯相使陰譎那得誇雄圖李園黃歇皆非夫我儕憑弔胡爲乎慧泉酒價賤易沽買醉拚倒青田壺酒兵茶陣兩足娛品經鴻漸真吾徒亭亭藕花香龔裾隔岸一朵清而腴晚風獵蒲起宿鳥

小謨觴館詩集卷三

三

新月出柳窺懸蛛清流連娟女環如碧玉滑笏疑瓊膚九原可作共指點相看一笑顏胡盧

丹陽夜泊

水宿金牛道科頭倚峭檣天長拓星勢月昃閃湖光霜柝闌隄急漁燈到枕涼新洲思霸業渺渺荻蘆荒

虞亭

地憶長沙業名傳太史賢士爲知己死身得霸才憐有客思盤粟如公願執鞭阿蒙亦奇傑遺址共榛煙

眞州柳屯田墓二首

清才仙去骨常温江草江花護墓門無限人間兒女恨春風紅淚與招魂

記曲紅兒苦愛才鈿車仙掌釀錢來年年寒食梨花雨送得

春光到夜臺

浦口

尺土舟車會登臨暮靄中蘆風拍岬勁酒氣瀉江空南北分
天塹春秋感斷蓬關山多馬客誰解問吳蒙

除陽

陂塘花鴨水粼粼苦竹叢蘆絕點塵一抹瑯琊山色好始知
身是過江人

豐山

山風靡蘿荔細路相縈紆林壑霧深秀窈窕西南隅洩雲諸
峰合過兩百草腴惜哉含桃樹不見花紛敷蕭寺靜鐘梵寒
泉汲僧雛遺亭緬豐樂曩哲茲嬉娛太平念干戈百年澤涵
濡古今有同感鄭重當康衢

菱溪

小謨廬館詩集卷三

四

落日澹瀟照碧嶽寒岳幽潺潺春玉聲釀泉分細流劉金有
遺石歐陽昔冥搜英雄感卅六曳置勞三牛貴將旣陳迹醉
翁亦荒邱鳴禽爾何樂下上聲啁啾山店醅茅柴蕢飲聊拍
浮安得沈氏琴一和松風秋

清流關

嵯峨怪石橫天起一徑羊腸萬山裏東憑江浦北陰陵此是
南唐舊軍壘彭奴遺跡空峩峩福州下蔡成煙消赤真人自
大梁至山前十萬橫相要金樽瓊瓌銀樽白犀帶名茶枉傳
驛刺史驚看綠堞丘將軍悔履秦淮石澄心堂上草連雲古
殿長春半夕曛蔗漿未啜雄關失猶說陵波水上軍

磨盤山

詰朝陟關嶺曠野耐遐望紆回不十里瞥眼前山障仰瞻秋
豪徑叢木隘而妨顛厓互迴合奇石勢相亢行旅笠帶飄輕
身聳層嶂遙矚渺難卽急步追何讓卻顧後來客予亦出其
上天風吹衣襟川塗獻千狀深谷日澹泊平原氣淒愴饑驅
志多違歷險游仍壯忽慮下坂艱孤懷未宜放

下蔡

南國留墟市西風蕩晚川美人無一笑遊子又經年石戶貧
多徙寒山慘不妍蕭聊楚天雨秋思夜綿綿

州來

州來故國壽春東鬱鬱蒼山指八公蠟樹遠排淮甸直魚雲
晴曳楚天空銜刀慷慨于詮節折展飛揚謝傳功何似召南
行義好辦香吾只祝安豐

小謨觴館詩集卷三

五

硤石口

縱目懸厓最上頭雙峰陡立占高秋帆連古汴千夫噪峽束
長淮一折流童律南來功獨偉支祈東走帝曾愁神謨事杳
衝波勁行水誰爲曲突謀

劉家集舟夜

蒼蒼兩岬樹倒浸碧潭清沙岸暗生白漁燈遙忽明薄寒詩
格瘦良夜旅懷平稍喜荏蒲息村危靜吹聲

潁上

淪漪碧無際水到潁川澄千頃靜流月一奩寒浴冰温醪奴
子擅煮粥榜人能答省香溪路迴頭感不勝

正月四日世玉堂對雪以白戰不許持寸鐵爲韻用
祭體分得白字偕甯榕塢崇禮止齋問禮任秋坪鯤

化棠村之琦
劉汝村舍元南林外劉竹溪澤程西

崖落同作壬子

狂飈卷湖潁波窄酒徒寒走揚雲宅皇祐元祐兩騷壇七百年餘留此席是時霧黑天似鬢繁雲六出霏檐墮搏空忽散眩醉眼碎鏤冰花翦紈帛當年龍公試妙手蠻箋曾見歐蘇擘又撐仙眼看吾儕無乃雲頭笑嚇嚇林樾模糊絕飛鳥庭除積漸堆沙石中宵耳熱歌豆其起舞喧呶岸冠幘或愁東郭窘穿履或嘆衰安未又戟貧子羈人均可念歡場一笑需歡伯玉樓寒粟暖不起霜管墨花怒將坼茶餅番番煮茅屋殘鐙幢幢耿破壁清光忽來夜有影朗抱冰心兩相射書生意態終足哂喜以羔羊鄙豪客不知渠亦笑郊島此事由來判阡陌窮達升沈亦莫問只恐離悰醉後劇故園迴首隔重

小謨觴館詩集卷三

六

關簾前凍蕊行堪摘紅窗尚有憶遠人火炷沈香坐清夕鄉夢空縈鳧藻爐衝愁但買青田核年來一事差自慰潤入春晴蘇土脈不憂禾黍連萬頃入地遺蝗已千尺款冬臘粥慶歲豐再對同雲約元白

次韻答甯止齋論詩見示之作

引商流徵世誰聽或以牛涔擬象溟學海有人窮步亥榛叢得路闢神丁門臨皎鏡餐湖滌瞳翦金波照汗青便欲相從乞津筏少微遙指伍喬星

近日詩學派別感懷東甘亭

潁州甯問禮止齋

野水吟蛙未可聽與君攜手覷滄溟判人小劫夸三戶蜀道雄開仗五丁黏齒雪分花履白隔簾山入酒樓青傾懷敢惜銀條潁州酒名賞處土南臺夜有星

書止齋詩藁後

觀河當張出海帆登峰當登泰華巖躡泚螢尾學無本不如
老把白木鑱我持此語律詞筆孤行一意何時快儒林丈人
得甯越健格鷹隼陵秋兔浸淫三昧括四部恣飽不顧譏貪
饒遺膏賸馥衆著出肺腑造化窮鑄劍平生風雅尤致力咀
嚼衆裁分酸鹹自言此道雜叢棘譬諸蔓草需柳芟薰香刺
回矜飾治長頭大鼻夸不凡巨刃磨揚槍父駭冰雪姑射蛾
眉讒欲持寸管作砥柱如以長劍揮天機歲寒冰冱斗柄轉
叩門貽我瑤華函薔薇盥手沫在口壓倒衆阜留穹嵌因評
才地品似鶴畧識遭際憂同獍食貧肯索陶令米伏處厭著
顏郎衫蕭然土銚須捷冷中有十斛珍珠絨方春桃符望初
燦疎籬梅蕊烏已鵲生年尚未髮種種徑欲相對眉髟髟上

小謨鵲館詩集卷三

七

流直清下流曲潁水一道排松杉騷壇應許執鞭從酒陣更
請持籌監酣嬉且圖文字飲那用寸念如風繆還詩急索噫
角和草間蟲正吟詁諳

立春前二日雪夜招諸同人集飲敬一亭止齋以詩

見贈次韻五首

冷衙傳盞借銅登八尺高張照座鐙吳楚酒兵宵角戶開天
詩壘客分朋回風簾學春幡颺急雪花同石髓凝吟徧吳鹽
寒未覺置身陶閣已三層

轉蓬身世謝朋簪冷落成連海上葉撲面黃塵臨水照懷人
紅樹隔雲深十年問絹仍爲客一夕飛箋見此心正是打門
風雪急新詩傳唱各沾襟

雙丸跳轉任羲娥且貰銀條醉叵羅一卷對裁窮鳥賦五噫

分譜伯鸞歌人情白眼看風漢世界青春付夢婆只有梅花
忘不得夜寒絨玉近如何

山字吟肩聳峭寒苦將流別話騷壇當門蘭艾株分易東下
江湖手障難獵獵風鐙孤自舞巉巖玉骨兩相看郢中自有
陽春曲未許么弦拉雜彈

殘漏丁丁警曙鴉當筵一曲塵橫斜不嫌塵甑萊蕪舍屢過
蓬蒿仲蔚家餘酒暖憑寒鬪力好詩清共雪爭花試看白屋
殘冬裏正有青帘拄畫叉

華亭張子白進士若采覓屋未就書此謂之

獻賦長楊畫省仙歸來捐盡茂陵田賃春未改人椎髻鬪圓
空思竹引鞭金穴自應輸郭况瓜廬何地著焦先卿如自用
卿家法只合同牽岸上船

小漢觴館詩集卷三

八

再調子白

時主講清潁書院

斗擻鬚眉湖海客迢遙姓望蔚藍天能裁萬戶千門賦卻少
三間五架錢穎尾春流看曲曲西湖蓮葉正田田何妨笑學
鴟夷子一舸全家儘放顛

劉竹溪招集勺園看花分得鬧字

袁尹愛竹樹車公癖遊眺命鴛恣所如高情稟生肖勝地無
處無住者集衆妙景美人自違穠華恐相弔主人好池館當
春絜樽召迤邐越陌斜岌業陟阿隋羣芳姪薜顏蒼松間古
貌如以霜雪姿明妝雜天少風來各自得相對不相耀斗覺
酒腸寬傾盃酌復酌香雲引歡情衝愁得奇效平泉與梓澤
寇葢嫌熏燎草堂此高閒祇許鴉雀鬧杜徑辭金張開筵面
蘿蔦我無園十畝中啟亭四照跡慙漢陰叟身謝任公釣百

年生鼎鼎開口幾日笑良時况須與清賞易摧撓當杯各珍
重莫惜盡餘醉一樂天果慳急雨飛原燒筍輿迨邁歸揮手
謝同調明欲續舊遊衝泥畏霖潦

夜訪止齋讀近詩數章時患足未愈歸後卻寄

好詩不宜多多輒愁肺腑浸淫達重關占曰咸其股知君疲
心神精銷力逾努腕底自足豪末疾旋踵武一朝風淫作譬
若物被蠱匝月坐掩關空齋自仰俯宵來訪子春裹飯歎蓬
戶雖嘲平原覽未倒玉柄塵新詩復相示擊節屢起舞受患
良坐斯不悔吟轉苦四大亦寄耳百節謬分部觀化化已及
此語聞自古柳肘無殊觀意與介叔伍曩言頗傷誕弔詭漫
嘲侮獨惜風日佳百卉爛下土濟勝具尚艱理展興誰鼓作
詩寄羊求起病盼立愈還宜養心力和身借清醅佇見利屈

小謨觴館詩集卷三

九

伸不藉松枝拄相與學敬則拍張髀重拊

勺園看牡丹分韻得最字

嘗聞洛陽花牡丹天下最潁川水土甘分此雕玉佩或恐東
町畦見少不足快主人拓百弓絕艷薰香界面圃開樽疊溢
目紛藻繪如觀大國風以下薄曹鄴松竹解護持亭亭蔭車
蓋微雲轉輕陰草午逗春靄明霞一以烘氣與酖顏會把酒
恰春情當風發長嘅吾家婁江東志趣夸前輩弇園王鳳洲先生所
築輞川規學山張天如先生園名金谷邁及茲百餘稔亭榭沒苔蘚
此地得素風林泉見高槩郎官有雲初園爲劉公初遺植猶
醜鵠老屋圍天香茅茨吐光怪尚許異鄉身留償詩酒債夕
陽奄然下紅影忽破碎醉欲藉草眠不用秉燭對蜨夢如可
同花叢當緩帶

吳門毛

吳門

示愛吾廬印譜并鑄名印見貽作詩酬之

古人摹印如作書大要瘦硬神方通古人摹印如作畫生氣
潛浮故紙中斯冰已去李潮沒六體繆篆世所崇移刀作筆
石作簡棱稜山骨雕嵌空就中善者入妙品姜王吾趙爭稱
雄骨清肉膩貌渾古穠纖倒薤翔驚鴻芝泥發彩香四溢研
光箋白丹砂紅迴鸞舞鳳集眼底異事傾倒鉅鹿公盤螭一
種軼蒼史云此獨絕餘難同神全不必束矩獲貴超象外求
天工此編印出乃其跡指物兩化非人功聞言我忽悟至理
大小衲業通鴻濛承蜩弄丸在誠一郢斤倕鑿須專攻若膠
形蹟昧元諦但恐頭腦朝冬烘予生嗜古癖秦漢歸搜頑石
煩鐫礪守之以神養以氣腕下霍霍生微風做廬壓架尚干
卷頗憶名記留書叢何時歸翦三徑草再倩妙手羅珍瓏安

小謨鴈館詩集卷三

十

排清玩鑿金石墨光筆韻相融融添朱試與鈐吟卷往寄吳
中桑苧翁

張子白主講招集清穎書院劇飲以雜花生樹羣鶯
亂飛爲韻分得雜字

雨晴潑火雲猶欲花霧襲衣風颯颯誰將潁水一千頃瀉入
紅霞三萬楹我生有口百不宜性薄懸河鄙掉闔燒灌惟應
作酒鎗脣吻未接心先納去年君歸蕙帳寒寂寂元亭蛛網
匝今年花開君復至履舄書堂紛合沓酒侶如波剪不分遊
蹤似帖摹還搨詩人且要鬪龍虎名士良須付蜩蛤烏帽筵
前取次偏狂言醉後多憂雜須臾街鼓打紉如掾燭光殘五
侯蠟一枕殞然我藉糟華胥壘語君還答天公爲洗麴蘖醺
落月如盆射吟榻

墨香二首

墨香秋露滴芙蓉明月前身本望舒錦字團花藏半爾指痕
留粉印雙魚閒借彩伴評寒暖笑向梅風問起居若許傳經
紗幔底買絲先繡女尚書

紫府曾持七寶幢天風吹墮玉無雙楊花扇小春修禊羅葉
衫寒夜渡江點筆煙嵐青入黛垂栒人月皎臨窗墉城一種
娉婷影照到寒苦焰焰缸

懷清二首

懷清一築恨如何縞袂青裙謝綺羅偶落塵身充法喜不將
花雨駐維摩玉臺淚染驚鴻影銀管寒調寡鵠歌那及聘錢
天帝罰秋來還許鵲填河

蠟炬春蠶百念灰錦書長抱杜鵑哀風前身證桃花果雨後

小謨觴館詩集卷三

七

香含豆蔻胎豈爲能文嫌不櫛卻緣無命悔多才爭如修作
閒男女裙子肩挑采簪來

柳絮四首

誰倩東皇碾玉塵天涯如霰撲來勻六橋溪岸晴遊路半楊
春風午倦人灞上根因歸淨業靈和居處認前身關心白日
游絲裏一霎青陽記不真

殘紅零萼共翻飛亂颭韶光野色微大地空香人去去一天
瑤想夢依依要留清白防沾硯不礙顛狂偶惹衣莫問消魂
舊門巷綠陰多處掩雙扉

滾雪裝棉豈化工粉牆西角柳橋東情多羅袖擡來易命薄
桃花落處同迎客有時還撲馬絆春無力且隨風謝家遮莫
鈎簾者腸斷青綾步障中

鳴鳩乳燕晝冥冥，點上潘郎鬢幾星。
錦幔日高南北院，莎隄風細短長亭。
塵緣未了留芳砌，泡影難尋付浪萍。
忽憶繡牀凝望眼，有人鍼綫午時停。

題湘蘅女弟畫扇五首

小篆迴文印好嬉，蓮花莊子皺春漪。
年來省識鷗波格，手藝都梁拜仲姬。

徐陵筆架沈珪丸，澹掃煙蘿墨未乾。
一種大姚村畔夢，西風吹上白蘋灘。

流水蓬蓬望遠春，依稀茅舍枕芳津。
商量白石清泉裏，莫有牽蘿補屋人。

小艇垂楊一水隈，釣絲風似子陵臺。
阿兄頗具煙波骨，添箇漁蓑打漿來。

小謨觴館詩集卷三

五

謝家兄弟劇關情，一別紅窗歲幾更。
訝道離愁頻觸迓，天邊鴻影太分明。

伏日偕子白榕塢止齋秋坪棠村南林西厓竹溪由
蓼花洲泛穎至西湖分韻得葉字

夙夸穎西湖，盈盈近城堞。相鄰不相見，頗似目與睫。
平頭款關至，招邀傳小牒。出郭借朋儕，紛紜競理楫。
榜人或不備，篙擗我可攝。湖光潑葡萄，恍漾動鬚鬢。
瀏瀏風生蘆，疎疎水浸葦。是時波初落，港小不容楫。
轉欣滯留多，恣與清景接。一路芙蓉香，相隨上衣褶。
西湖乃其名，勝賞紛可獵。如噉江瑤柱，豈便廢槃樸。
曲折逾修梁，維舟屣重跼。澄泓秋十頃，瀲灩波三摺。
曾聞玻璃風，雅與錢唐躡。淪漪送微渦，媚此西子頰。
浦溼分橫斜，娟娟輔兩厖。新妝鬪濃淡，一鏡何妥貼。
疎松三五

林正被煙露壓淺草足團飲蒙茸勝花鬪酒兵肆轟厖觴政
互躩蹀風景傲老顛狂名冒游俠醉登會老堂瞻賢整巾屨
晏呂與歐蘇哲範森腰極風騷七百年誰爲後塵躡狂奴忘
自量頌禱煩喋喋鬚眉不我嗔微笑神似浹吟情託豪素石
視醺宜歛拈韻鉢屢催題名紙爭疊我徒萍梗蹤有類風聚
葉流寓安足嗟名區天許涉平生艷羨心借此翻一愜長揖
辭前賢香羅酒痕衰漁歌起汀遙歸路穿港捷古歡曠襄羊
酒語亂詁譁百感來茫茫高歌叩長鋏

兩泊黃雀灣

蓬蓬溼雲滃獵獵檣旗卷風色東南來淒然雨花旋千絲落
寒空一鏡皴澄練野曠天幕垂沙平浪痕濺菰蒲雜游龍戢
戢寒欲戰墟落縈煙林旣隱時復現孤篷宿叢蘆極浦逗淒

小謨觴館詩集卷三

三

戀襖被愁沾濡壺觴聊自薦羈情畏風波繫纜卽鄉縣爲諸
閉關人江湖吾已倦

淝水懷古

萬里奔鯨一戰摧清波猶帶劫殘灰盡傳江左朝廷小誰識
東山子弟才立國蒲魚空應讖登高風鶴有餘哀傷心捫蝨
英雄在肯遣投鞭壯士來

壽春二首

萬頃鞞紋落照邊濠梁秋水認前川地聯泗上風雲氣山入
淮南大小篇尺布何年悲帝子龐翁有客笑神仙行滕一卷
班彪論讀向蘆花當上箋

白水紛爭赤伏符袁家兄弟枉雄圖祇憑一壘窺神器直占
全淮作帝都竊國名空傳仲氏殘山高尚學當塗書生亦解

談英畧數到三公世胄無

馬頭城晚行

揚舲浪漪平薄暝篷腳臥深杯邀月沈高枕看山過祠荒樹
多怪戍古亭全破汀草迷煙蕪神鑑明紫邏繁星爛當天蒼
鼠竄幾箇冥情忘夷險不睡疇能那

舟夜風雨大作感書

風顛簷窗敲夜黑舫燈閃卷梢蘆干叢垂腳雨萬點原荒絕
津堠岸斷成岡賺添纜長年號溼裝奴子檢酸淒詩膽搖荒
怪醉魂斂誰歎走呼渡哀響出艱險泥知芒屨衝寒想圓笠
颭三更彼途窮一枕吾安儼飄泊雖同科遭逢判豐歉感此
勞者蹤中宵夢成壓

八公山

小謨觴館詩集卷三

西

高岳奠淮服遠隰餘芳蕤葱蒨樹交雜陰露雲蔽虧驕王昔
好道羽客此來綬繁舞會芝蓋霞標羅翠綬終聞金牀廢坐
歎高樓墮愛土道誠劭傷身咎安追神仙不忠孝何取修真
爲鶴唳響遙警鴻寶書莫窺家居句吳東角里一水湄長懷
四皓賢永念南山陲

夜泊荆塗二山下

星河杳將沈水宿翳林樾推篷雲繞柁森竦見山骨蒼煙低
壓眉蕭照清數髮波底摩雙峰枕函射孤月清吟木客領鬼
火篙師咄長夜不愁孤顛厓立秋鶻

塗山禹廟

翩然舳舻陵馮夷嶮斜日浸以隲芍叵破石眨眼移龍亢
古郭撐積巖長淮導源平氏溜胎簪一瀉無由措奔騰此地

險若斯雲洞箭激通符離螺蚌爬沙晝邏迥獮青鼉白紛躡
踞塗山屹鎮萬古垂下瞰雪浪軒龍髻雲蘿濤打石壁欹凹
凸皴皴成徽鬣藤梢橘刺當徑迷千章楸間三年檜女蘿迴
風毛髮悲怪鳥時時聞蝻蝻丹厓窈窕宮闕規中有玉座和
而嫉石紐聖人玉斗姿曾受祿字驅蛟螭作使羣鬼避肘胝
龍華夫人紫府姬虞余大醫左右隨上宮下遣供指麾同律
烏木相輔持桐栢三至功莫治怒集百靈搜九達淮渦水神
見尻雕雪牙金目鱗之而鼻端穿鈴頸夾鉞灑沈澹菑惟汝
資爰安駭浪爲平漪元圭旣錫功不貲茲山乃舉時巡儀黃
龍夾船下渺瀰冠佩雜沓交蘭錡巍乎峻烈康績熙波旬浩
劫留餘基世人好事修壇壝文梁碧檠樹棟榱虞初誕謾忘
詆嬉轉畧功德夸神奇我來攜屐上峽嶂靈風神雨拍牙旗

小謨觴館詩集卷三

五

大聲發波涌鯨魮百怪耽眈角鬣鬣相顧不敢薦瓊麈迴飄
搗鼓山之厓書生口熟呵嘍碑勝境予予空哆嗚風濤惡劇
何恣睢砰磅司磴憂且疑此身眩眩神所綏貪心不思窮楮
標但求萍蹤毋我危帆開波恬會有期掩篷滅燭自啜啣辨
香夜祝無支祈

懷遠

魚鱗排屋接濠州疊障層波渺欲愁罨岸雲隨山木合卷蘆
風挾大淮流紅牆橘柚陵祠見白日竄鼉夾舫浮漫搗異書
談岳瀆誰從神鎖掣青猴

臨淮二首

擊汰闌風倚夕曛人煙淮甸一川分關心南國疏排策極目
中原浩蕩雲孤刹謹叅蒼水使千檣雄壓白衣軍舟程盡又

山程起班馬聲中酒易醺

照眼濠梁一鏡如堂堂策策滿清渠偶來中道停秋屐便抵
南華讀異書客况自憐溝轉鮒窮愁人笑子非魚鳳皇山色
空鄰近青峭雙峰肯借余

鳳陽

千里中都紫翠間鑊鈺終古玉孱顏地符白水真人氣客走
紅心驛路關絳灌事留樵牧話虎龍雲向寢陵環含桃閣上
風煙迴一片蒼茫接碭山

自磨盤山至清流關

曩踰八公山山色高艷詭連蝮走臨濠脈斷氣猶孕曲陽鬱
陂陀遠勢蓄巖磴山英弄神奇及茲乃一磬插漢標青蒼排
雲豎梯墜大崧兼小岑斥居雜峰磴細路中盤紆百道互綿

小謨觴館詩集卷二

七

巨牽車戒摧輪跨衛愁折脛初行陟崇岡頗不藉鞭鐙忽下
厓谷深影落無底甌升高更臨卑左緯復右經穿珠蟻延緣
附壁蝸凍凝十步九折旋半望百踰躑連岡條中斷天日開
晦暝廣陌來長風煩襟豁焉醒人寰少夷途客意寧久稱唇
嚮復駭駭磊砢如競勝在苒入滁陽琅玕攷志乘柳泉瀉琤
琮碧蘚滋滯澹洞壑無希聲微欬四山應清流吼雄關石棧
滑可瑩劒閣與孟門論險匪逕庭陳倉暗渡漢陰平乃越鄧
守地無守人天險亦何定當年戎馬場榛莽有券證蒼山復
何知成敗兩靜聽千古青葱姿樵牧足持贈溪迴松檜涼山
盡犖确剩蕭寺依寒岳微颺送清磬解裝蘇疲茶酌酒破昏
懜勉旃一日勞志我千秋興

大柳驛至野渡庵

路人譙南曲棧深綠天如幕畫陰陰楊花不絆長征馬山色
能堅出世心豈有春潮帶風雨獨憐幽草數沈吟化綸莫漫
愁紅軟西澗黃鸝足好音

兩宿永康鎮

昏鴉和倦客隨雨入孤村陰壑橋三板叢篁火一痕重知簞
袂溼寒盼草堂溫覓醉差堪慰青帘在市門

頴上曉發

落月澹無色新霜滿客身白沙明似水孤樹遠疑人野徑行
多誤荒雞報未真茂羅家何處頴尾自粼粼

省試報罷新闢小軒落成遲子白未至

時在映城

有懷兼

柬止齋三首

欄衫彈落省門塵十笏當花小築新放眼怕看烏繞樹打頭

小謨觴館詩集卷三

七

差仗屋藏身槩橫嘯月調應便餅說淒風味最真黃酒正籜
詩脫稟賞音都待素心人

湖海豪情百尺樓亭城有客氣橫秋枉煩犀角夸蘇過未必
寫肩相馬周白髮風前游子淚綠蕪煙外暗蛩愁短筇莫戀
龍眠好文室山光待醉侯

茫茫學海問津誰汝頴名家意獨推破甑我原拚撒手碎棊
君勿替攢眉竹書蠹飽摩殘笈茅屋燈昏補斷碑汲古綆長
需共引小齋今已拓疎楸

桂席二十六韻

桂席依瑤砌璿星爛絳河雲頭開玉匣杯底落金波天詵將
團彩人徵仁按歌燒槽安鐵撥火樹覆銅荷傳使來青鳥開
屏出翠蛾靈蛇新綰髻飛鳳晚停梭拜客眉雙展鏘風佩半

掩簾煩紅線卷手借綠橙搓箏柱弦頻振笙簧口屢呵梨澗
開緩緩齟齬啟瑳瑳韻漸飄香咳音初透錦窠一聲翻露蕊
百調迸雲和霧著鸞釵重霄停鶴馭多覆牆花上影落砌葉
辭柯簫史催杯換周郎正字詎樽罍稱良夜人月本同科默
感興秋士華年悵夢婆書誰上徐樂才合老廉頗愧詠循咳
什難揮返日戈蘭成賦蕭瑟韋孟業蹉跎壯志銷磨盾鄉心
負補羅韜精事酣宴臨樂且婆娑漏箭催長短歡場散利那
詞憐瓊樹豔寒奈玉樓何會約來宵續顏先此夕酌清光無
恙在醉與祝纖阿

書感八首

一片商聲萬戶砧悲秋人在古城陰圍場勁翫連鷗起邱壑
寒雲帶雁沈風裏綠蘿孤館淚燈前青史百年心低徊柴井

小謨觴館詩集卷三

六

行觴遇管鮑臺前落葉深

霸才羅仲兩超倫潁水甘城百里鄰千載大風誇表海一時
奇士半遊秦蒼茫家國吾何寄寥落川原古有人日暮白亭
寒燒潤英雄無酒醉秋旻

天戈何處殄游光不寐中宵阮籍狂憶昨羽書傳下邑正聞
太白指西方松潘春度千屯甲邏娑寒催五夜霜容易飛芻
逾萬里東南人已効輸將

贊普曾沾九伐恩風霆重與奠羌渾不教蠻觸爭蝸角特許
甘陳出玉門五月沈黎沙有雪三秋莽嶺草無痕六師勉體
懷柔畧貝葉千花法炬存

天兵飛捷自邛峽一馬紅旗下蜀來桑海竟容三月度雪山
真有五丁開可汗上號香花貢黎樹班師羽騎催共讐

威弧能制遠茂陵生笑悔輪臺

撰杖愁看雪鬢殘宛邱舟舍雁行單苦思負米談何易卻話
懸車恐未安老屋亂蛩吟雨黑土牆殘菊帶霜乾白華詩卷
留行篋永夜疎鑿掣淚看

霜曉一蹶事分明濩落秋林補屋成射虎有時還飲羽封侯
無骨敢論兵酒徒作達教謀醉良友關心勸學耕底事蠹魚
誇結習汗青還對短燈檠

去去攜家汗漫遊琅嬛福地好勾留參苓親貯延年藥風雨
門停訪客舟少日煙霞曾抱癖異鄉梧竹苦驚秋管城事業
名山夢并作羈人一夜愁

裴立齋刺史振邀偕子白遊亳州途次雜詠五首

使君重作習池遊約客同過舊節樓我比葛疆渾不似居然

小謨觴館詩集卷三

五

騎馬學并州

立齋會刺亳州以公罷僑寓其地

鞭絲迢遞出闔都穎尾淪漣一道鋪恰似卯君分手日青林
烏帽送髯蘇

蹴踏輕紅十丈塵馬蹶得意宛尋春此行自愛秋風好當作
看花儘笑人

暫點薑鹽憩路隅書囊掀倒陸公厨半間茅屋如鑿黑照得

三人記事珠

時與立齋子白小憩道旁茶寮縱談史事

大饗堂聞四照開鄭虔題碣半蒿萊三錢請買雞毛筆分訪
殘碑一段來

細陽道中

如掌沙隄斥堠新一鞭催曉趁閒身風迎黃葉聲中馬詩就
紅塵影裏人霜草未濃還作露秋陽能暖便如春是誰怕皺

觀河面照眼淝波嬾問津

兒莊

漢兒寬讀書處

御史緝書處荒臺一望平銓曹空署吏草屨有名卿廢耒人
能荷遺經客尚橫從來稱習事終竟屬儒生

范孟博故里

舊有坡公讀書淚今來廢宅弔征羌生留仲博供賢母死向
皇陶訴飲章平世更無人攬轡孤懷吾亦抱探湯行須重拜
青山墓果否殘魂傍首陽

亳州懷古四首

淝水東邊魏武臺孝廉精舍鳥嘯哀早嗤玉印窺神器晚託
金滕掩霸才故里誰將粉社並屯田空費芍陂開遙遙丞相
祠堂在只願南陽泥首來

小謨觴館詩集卷二

三

上清共訪元元宅玉牒金繩杳渺間我欲遺文求柱下人傳
紫氣滿函關干行列雁祠宮廢一笛驅牛牧豎還今古星園
勞奉祀漢陵唐寢有榛菅

隼墉兀立宋陪京又見天興萬騎行一戰旌難招白撒六宮
人亦歎青城堂疑照碧雲常慘軒近幽蘭雨作聲怕讀衛州
傷事詠西風沙草似殘兵

挑動黃河國便亡兵來汝穎劇披猖可能宋帝仍恢宋畢竟
王郎是假王運去奸雄多虎視時清軍府盡龍驤帶刀果否
安犁憤渤海神君望正長

錢忠懿王金塗塔歌和朱大中丞作

古佛墮地龍衙衙祇洹舍覆阿輪迎池開耨達指畫石始見
貝塔興耑闍鐵輪王來滅度後鞭役神鬼如呼鷹共和九年

七寶碎一夜造徧恒河沙菩薩七重辟支六四千八萬殊隆
窪長干旋見啟石墀龍窟又說騰霄霞湛然法身自常住銀
坵指爪需搜爬蕭梁以後徧中國處處寶鐸風颭颭王開
基自羅利廓清妖鳥摧狂座錦衣裘馬樂無量頗喜繕性論
三車台州刺史紹祖統玉冊永世垂青緇神僧預報進思變
慧業早種尤足誇檢校衙開荷綸緋毘陵捷奏投鞞鞞紫駝
帳底焚妙篆功臣堂左停參擲蟲沙閱盡龍漢劫要掃萬幻
歸毘邪冷金作瓦圖梵夾四周隆起中微窳纍纍合就舍利
室不假都料當胸又雁王烏瑟分應法三十二種羅顏華諸
天妙果彙寸版露槃倒射扶桑鴉會聞陀羅雀離製仙掌突
兀撐烏朶永寧瑤光亦秀出各向雲表開門呀呀嗟此塔短
盈尺一一變相摹跌脚海波毛孔本無定須彌芥子寧有涯

小謨觴館詩集卷二

五

試教庋閣禮蕉葉當令妙義窮深遐雲臺轉眼大星墜塔亦
流落蕤巖呀鄱陽白石得片瓦世數未辨雄藩家斷作錢王
歸具美新城秀水空咨嗟靈光忽顯千載後寶氣自露排蓬
芭訂訛據史屬文德一雪疑障無乖差讀書却感五季運南
唐蜀漢爭龍蛇十纏九結自束縛癡雲恚泥良恣夸澄心堂
中佛畫香休屠肖像虛妍姱雪山不救牽機藥康陵落莫多
枯槎妙法蓮花出前蜀祇有殘葉留蠻巴一生未解提婆旨
百代遺物誰摩抄獨稟阿含止諍教如王福履宜交加塔摹
歌利具神悟心法相印無疵瑕印金券鐵不足貴片片現出
優曇花何當安置方丈室便是寶筏波羅伽英雄靈氣一呵
護分髭那怕禾龍拏

獲馬篇爲王郡伯作

九天夜半房星落化作龍媒去鱗角蹀躞高懸夾鏡瞳神奇
未就青絲絡潁川水甘豐草美土曠林長田每每不知何日
忽飛來滿身猶帶銀河水野農沸騰呼且號巨繩帕首腰弓
刀追圍百計那可得一躍已辟千夫豪從此跡弛任奔走枯
箕自斲無人守可憐放逸近三年瘦骨峻贈尙昂首由來駿
馬如英雄寸心不受庸奴籠孫陽弗顧寧棄置較勝伏櫪橫
門東順昌太守今司直曾以盛名空冀北公子清芬肯堂構
浮雲欲蔽光先起忽聞此馬軒雙眉一馬怒出相追隨驚風
撼沙白日澹隻手挈取霜蹏歸來整頓連錢轡戀棧兒駒
縮如蝟振鬣長鳴得所依鳳頭印出三花字公子名流似名
馬沛艾騰驤肯相捨太守馭馬如馭人能化桀驁爲調馴昔
非難得今非易世間神駿求其類昨日嚴霜溝水頭崇朝玉

小謨觴館詩集卷三

三

勒蘭堂內吁嗟乎神物顯晦各有時圍人太僕安能知荒郊
自有千金骨在廐非無汗血奇君不見伏阜飛黃雜駑駘月
明風勁自長哀何當留取方歎眼再向鹽車一顧來

送張子白主講歸華亭三首

詩

風色蒼茫別緒侵四年蛩駝兩人心也知泥雪難留爪直恐
朱弦要斷音盤馬地仍秋燒輒判花衣數酒痕深朔雲歷歷
南皮憶三疊當筵不忍吟

舊聞潁士利如錐鶴膝犀渠俗可悲愛學獠奴車上儻不辭
危事劒頭炊頻嚴秋課招青領漸息鼙風戀絳帷一片鄭堂
書帶草也應當得峴山碑

意氣文章結習耽傾城狂走送張堪聯鑣郡將離亭立排驛
門生餞酒酣手可扶輪權小試口如銜闕怕深談臨岐一掬

西風淚消息煩君爲細參

子白行後予偕友人復餞於九十里鋪醉中再贈二首

四更星斗半闌干握手天涯酒易殘
明識別筵還跌宕偶緣清話忽沈瀾
後盟自要雲龍逐顧影先愁旅雁單
莫聽荒鷄問牌堠曉風岐路尚漫漫

汝陰揮手且東還薛燉湖光四面環
無恙荆妻成一築有租梁廡尚三間
題名傳已誇流寓報國人寧許閉關遲
爾他年向金匱蓬萊重訪道家山

題劉沙村家藏六世祖改之昆仲及方中丞孩末三人合作小影畫卷

有客攜觀赫蹠古怪石疏桐關圍圃方袍圓相兩弟昆指點

小謨觴館詩集卷三

三

雲初六世祖中有一人同臭味唐巾玉塵陵雲氣勝朝官拜
大中丞題名字認方孩未當年國步未傾積公幹聲名顯允
才雙丁會見登賢策一鶚還聞舉黨魁延津劍氣真無兩三
人合繪煙霞像幻出鬚眉颯九秋長鬣短鬣俱森爽披圖忽
感滄桑變蟲沙猿鶴紛刀箭是時昆弟伏衡門此日中丞揮
羽扇草檄飛書出漢關玉門轉戰又生還椎牛饗土蠟螭塞
走馬籌邊勅勒山乾坤劫未須與改詔獄頻經壯心在一官
起授小朝廷寸心精衛思填海大厦扶傾願何有轉眼騎箕
氣衝斗高士蒼黃賸兩翼舊盟離索憐三友丈夫遭際安得
同青衫亦是千人雄跡分出處神自合篤志善道無窮通斯
畫垂今百年矣回目還同留故紙共向秋風說鬢絲誰知仙
淚成鉛水空堂我爲看臺素瀟瀟涼雨淮南暮一代英姿燹

火餘相將過眼銅駝路往事蒼茫不可論
故侯誰問舊清門
還圖珍重鴻泥影君本南州處士孫

次沙村歲暮見懷韻

飽及侏儒曼倩飢飄零笑煞里中兒
地慳尺土安狂客天許長貧付好詩
冷骨寒吟商陸火單情愁對叔牙祠
便須相約中山去此口真惟飲酒宜

小謨觴館詩集卷三

十四

小謨觴館詩集卷第四

鎮洋 彭兆蓀 湘涵

星社集一 癸丑迄乙卯

春日赴霍邱途次積雨未霽遣興二首 癸丑

三日春膏土脉蘇重陰如幕護蘭塗人分笠展東坡影天入
雲煙大米圖沙柳亭空官道驛風帘門掩酒家壚墊巾枉被
時流學我未聲名到俊厨

空花作雨尚紛紛綠慘荒原溼不分野水痕多當路見林鳩
聲斷逆風聞無人覓渡憐孤舫不解還山笑白雲觸起平生
蓑笠夢清波芳草牧羊羣

晚晴抵夷陵 賴上六十里鋪名非宜昌地

積雨連朝昏濃陰匝句蔽廓清感輕風能為天撥翳高穹洗

小謨觴館詩集卷四

一

青銅皎鏡出新礪曠色蒼然來俯首月在地澄澄積水中孤
光一搖曳物極則必反水火愁旣濟誰當知此情試誦人間
世

早行遇雨小憩曹家店

天公苦行人轉輾美諸態慳此風日佳未肯輕相貸昨宵月
澄鮮破曉霧濛昧似恐肩輿遲急雨促奴輩穿林作暝行洗
眼出雲背小店圍苓通敗屋光破碎得此意亦足華堂幾可
廢此生寧有涯跋涉未敢愛獨羨羊裘翁風門看春碓

廟臺集水漲舍陸登舟

風攪一天愁低迷問渡頭波闌官道失雲擁片帆流坐乃雜
輿隸程誰報水郵關心引渠事舊地考雋婁

霍邱贈蔣湛華明府 業謙二首

玉筍仙班粉署郎官閒偏愛酒徒狂招看蓼國干畦秀怡珍
桃花一水香上已春光開汝穎楚天遙感落江黃邀牀要問
潘懷縣乞取河陽種植方

綠莎廳畔印牀清壯縣頭衙漫叟名俱視小奚薰麝立放衙
長史拂花行庭多乞牘書應苦山入鈎簾眼暫明自是前身
香案吏豈宜銅竹著專城

懸齋卽事再贈湛華二首

櫻桃小部按紅牙紫玉生香翻碧紗隔燭臉波春泛酒邊雲
歌板月停花新歡無恙東山墜舊夢重牽北里車欲喚奈何
愁起立風光容易感韶華

掃徑真從蔣詡過中筵且爲緩紅螺蜂衙雨促分陰短鳥几
塵埋尺籍多廣漢尚煩頰設師陽城寧便廢催科爲子一曲

小謨觴館詩集卷四

一一

千秋業好和樽前定子歌

壯士

壯士黃皮綺農兵白棹槍原田春輟耒私憤畫爭桑此輩好
身手臨風念茂良調馴定何術留勇獻明堂

颯沓

颯沓戈矛隊巖陵負販徒官符理鹽筴夜火聚萑蒲倉雀情
原急桃蟲說豈誣大農心計在平準竚良圖

文墨

文墨操豪吏輕肥到掾僚閑闕三市峻羅綺一春嬌見鳥風
舒緩狙公術暮朝白巾驅豈得嚴法想鷹鷂

幻術

幻術沙門秀妖師杜子恭靜輪寧有教斗米違相從愚或須

開網嚴應事決癰舊聞循吏治刀劍總歸農

古詩東王含谿觀察

秉韜三首

漢廷策賢良拔十每得五經術飾吏事政修澤亦溥讀書緬
前哲此事無今古射策占文星分符綰銅虎循良與儒林兼
擅力逾努金馬南迢遙龍堆北可數春陽奄多方萬里歸行
部肅肅印牀風陰陰黍苗雨始知關西楊卽是中牟魯
仁風扇羣動乃自近者始浸假及廣被扶搖徧遐邇淮泚沃
衍區水土甘以美百里非龐才一麾展高軌桑麻楚巖疆井
邑如比齒不聞民情感但見民色喜近功異申韓徵應得妙
理悃悃寸念深瘡痍萬家起西湖清且漣潁尾清且泚欲知
大府心大府心如此

六籍表素王大化開局鑰淹通始馬鄭曼衍及濂洛斯道少

小謨觴館詩集卷四

三

眞傳得龕防影掠名賢起昌期理窟施椎鑿引手探天根揮
斤落糟粕燭龍麗神霄冥行不愁錯區翫慙迂儒書叢坐昏
索張皇得管窺緒論嘗聞畧願得壽世言以作道人鐸

得子白書近主無爲州講席賦寄三首

舊雨翻飛恍隔塵東風消息尺書新狂分龍性仍憐我貧說
豬肝尚累人斗粟夢寒投筆氣一江花撲轉蓬身巢山芳樹
西湖草兩地離悰枉買春

臯比一座左遷同橐筆生涯笑長公鸞翻未應長硯北鴻泥
何事又江東書堂山落金庭黛雲帙香招寶晉風欲奏陵雲
齋屋靜擘牋先試注魚蟲

茵絨綢疊訊疎狂鏃羽閒身鬢未蒼越石聞雞勞蹴被少陵
看燕易沾裳弦中白雪冷語匣裏蓮花作作芒報爾雙魚

定遙慰稻孫樓外碧雲長

東甯榕塢

瓦釜黃鐘事莫論揚雲蹤跡滯孤村老回白眼評花事狂脫
青衫數酒痕揮去玉龍愁不斷過來金粟道常尊一瓊留得
扶輪手擬掛詩瓢款塾門

劉武穆公祠

八字軍中夜催鼓大斧長刀雜風雨將軍一戰全江淮半壁
猶存趙家土由來爲功在致死百雉鞬尖趯倒耳孤城不守
守必完請看太平邊帥子祠屋峩峩老樹枯南遷諸將胡爲
乎臣力已摧金甲馬君心終畏鐵浮圖

春日偕止齋南林薄遊勺園看花竹溪留飲觸緒感
懷悵然有作三首

小謨觴館詩集卷四

四

忽忽身從憂患過傷鴻病鶴尙高歌看花淚有千行制潑眼
春如二月何聽去黃鸝聲曉睨數來元髮影婆娑酒悲夢噩
羈人事不爲尋芳感已多

松枝塵尾玉絲琴把臂重過蒼竹林妮客花猶前度好傷春
情較去年深新詞白社留溫李夙約青山負向禽何處尋巢
雙燕子綠楊風裏獨沾襟

挹香中酒枉年年不斷春愁亂似煙衷曲漫憑鶯燕訴天涯
差得友朋憐臨風刺促停杯數移席丁寧強飯先容易韶光
二三月不妨權喚海棠顛

再柬止齋二首

漫從季主卜前程珍重名園勝日行飛絮身符三月柳坐花
人狎一林鶯事如春夢痕原少瑟訴華年調總平祗有野情

還觸迂白楊蕭颯近清明

顛倒從今付化工浪憑讖語託芎藭三春未了厭厭病百歲
拌彎一寸弓薰陌草曾經野火落薺花本任飄風景山早擬
辭清聖作煙新來又一中

題劉公勛先生遺像

王粲英雄記扶風豪士歌壯懷消七頌奇氣壓三河骨肉遺
黎盡滄桑浩劫過漁洋交契在詞客謂君何

廢宅

明兵部尚書張鶴鳴舊第

萬里長城壞荆梁賊醜張中樞成害馬大老餉封狼廢宅叢
蕪草遺墟弔國殤白頭空嚙齒可得並睢陽

柳枝詞爲人題畫扇五首

一絲浮子水鄰鄰人對靈和殿裏身二月東風三月雪江湖

小謨觴館詩集卷四

五

也有可憐春

拂馬藏鴉稱舞臺嫩黃空谷爲誰栽蠻腰畢竟還憐影幾遍
清波自照來

僥倖天隨老釣師芳隄和雨看春姿要知出格風神好記取
初三月上時

柔條不縮短長亭愛對江湖處土星終是撩人太無賴女兒
浦口眼青青

雨態煙姿陌上稀水雲鄉裏獨依依堂堂轉眼春如海莫又
飛花點客衣

潁州食櫻桃作歌時將南還

汝陰城郭春風中千樹萬樹櫻桃紅自從花開到結實雲錦
一片東門東珊瑚七尺石家屋木難火齊龍王宮園丁富貴

足與敵丹橘楊梅俱下風羈人不記含桃節謂是鮫人眼中
血道旁老圃勸嘗新玉筋金盤安用設筠籃蔥翠炙眼明日
色晶瑩射光徹摺指成痕植玉破朶頤入口朱唇裂此物由
來充土貢薦脩典貴春園俱游女青絲挈籠忙縣官估值緘
題重須知 紫禁湛恩深不索紅塵飛騎鞞餘者曩曩恣鳥
鶴田更野父爭相送我來汝陰三閱春年年飽啖風花辰衍
禩東坡荔支戀不辭長作嶺南人東飛西飛夢無準生恐飄
風促迴軫春城十里火珠宮欲賦將離我何忍千里蓴羹顧
渚茶吳中鱸膾黃州筍人生有情非老饕世眼不知來笑哂
對食蒼茫別緒紛天涯朋舊惜離羣此間無限臨歧感一物
區區何足云

初夏偕南林止齋出郭泛潁

小謨觴館詩集卷四

六

夜聞飛雨聲遠夢生湖湘陵晨出北郭新漲三篙強碧漱近
搖曳菰蒲生暗香長波走天末匹練縈孤光小艇繫叢綠招
之一葦杭軋軋鱗鱗變鱗鱗風半塘墟煙起汀樹百里何青
蒼人影落寒碧鬢眉生薄涼閒鷗邇可狎游儵或成行我本
忘魚鳥魚鳥亦我忘平生湖海志風塵坐蒼黃煙波偶乘興
有願此一償安得玻璃水長沁冰雪腸印須有我友按拍聽
滄浪

華嚴寺

禪薰不逃禪愛遊禪寂地長將妙明心証我澹泊志華嚴本
法界取以名蕭寺竹塢藏香林杪灑滴深翠嘉辰欸幽關局
啟苔花膩殿角無人聲時聞松子墜牆陰閃風旛佛燈晝生
穗還叩方丈室道人瓶拂侍習習旃檀香相看渺無思生天

與成佛謝客誰言易初地容襄羊胡爲苦蟲臂聊當淨塵襟
莫問三車義

酷熱無可遣懷因憶前在樓煩時地處極邊雖盛夏
無纖暑偶拈數詩用志舊游卽以排悶凡九首

火雲沓沓汗斑斑無計招涼水石間一種勝游忘不得半天
殘雪鴈門山樓煩漢屬鴈門郡盛夏山間輒有積雪

往事林胡劫劫灰一州橫扼九邊開深山六月無執扇風自
飛狐嶺上來飛狐嶺在雲中與樓煩接壤

深深染峪訪騰蘭萬壑千岳一嬾殘記得陰厓風雨黑古潭
無底毒龍寒樓煩城南萬山環抱中有寺名染峪山半有龍池

萬佛祠前古木陰青苔白石洞門深四山老檜無庚甲化作
蒼龍畫一吟萬佛洞在樓煩西郭爲夏日觴詠處

小謨觴館詩集卷四

七

蘆芽山壁峭雲屏禱兩人傳帝子靈誰向九梳梯上立松花
如霰落空青蘆芽山在樓煩西南山巔有九梳梯太子殿相傳爲劉曜子某隱此後仙去土人遇早歲於此

管涔幽處石梁通大業汾源闕故宮不斷飛泉如白雨秋聲
奇驗

長在萬山中山海經管涔之山汾水出焉卽在樓煩邑西八十里
鎮朔樓高夜色涼嘯餘閒倚綠沈槍荒荒白月星星火知是

單于牧馬場鎮朔樓在樓煩城北俯瞰邊牆
衙齋東畔戍旗高日永軍門演六韜怪底寒風生四壁隔牆

人試赫連刀縣齋毗連戎解其演武處止隔一短垣
但聞征鴈不聞蟬卻暑真須飲馬川一文鸞輪如可駕願拋

香國住冰天

病目行贈寧榕塢明經

富波先生濬冲倫目光閃電爛若銀撐腸拄腹一萬卷精氣
上迸雙瞳輪日操不律技風雅別裁僞體求其真妍媸到眼
辨黑白肯以頑石淆貞珉渭涇水久混清濁蠶叢雜出紛荆
榛先生然犀畧轉睫夔夔罔兩愁遠巡竭來函書道深濶忽
報眼疾經三旬有書插架讀不得有酒滿樽無復陳騷壇午
耳苦相屬還餘問字車麟麟持緘三復忽拍手絕纓而笑看
蒼旻離朱罔象去千載元珠誰索嗟沈淪獨撐老眼不顧世
此事毋乃天公嗔爬羅剔抉太狡獪故遣一著空中塵安籬
插障被嘲侮盲人瞎馬旁掀脣决明上藥我欲寄損讀古方
君速珍金錐會見蒙翳括還須鸚鵡視兼鷹瞬同儕自足知伯
樂起疾共貯蘭陵春對人且莫判青白女嬰嘗爾方申申

立秋日任棠村招集白業齋分韻得葉字

小謨觴館詩集卷四

八

金天昨夜行符牒官代祝融傳令捷朝來爽氣如可掬一點
秋光逗眉睫狂奴蹭蹬百不知頗愛流光玩萸萸已從金谷
賦桃李又對西風感紈箠飛響安能挽兩儀澆愁未可無千
榼棠村主人雅好事吟社重開延步履修篁映座眼忽明熱
酒衝膺氣先怙甌宰紛挐鵝鴨亂吟腸勃起蛟蛇蟄忽思顯
者有前言詩酒嘲予成積習無食當謀曼倩粟無家盍叩馬
驩缺人生讀書富貴耳此事於人復奚涉我聞斯語心骨悲
口不能言以臆答王良伯樂今有幾蹇驢嘶路龍媒泣窶人
一樂差能償縱酒佳辰容蹠蹠韋布留將大雅輪榮枯付與
恒河劫只愁白社幾人存莫問青衫雙淚涇同儕盡笑我亦
醉坐看搖落成嗚咽中筵命酌重起舞東雨紛紛風獵獵世
人久誚竹林狂我徒慎保名山業明朝酒醒還過從試與呼

僮掃梧葉

七夕二首

花掩空庭月射樓，輕紈良夜數更籌。極天風露剛殘暑，異地門闌又早秋。別院濃香薰睡鴨，畫屏孤影待牽牛。無端買得羅睺果，酒冷宵深起旅愁。

敝廬東海夢依稀，樂事猶能記曝衣。乞巧靈絲爭咒網，穿鍼彩伴笑停機。哀蟬落葉家何處，越鳥巢枝計總非。苦恨客庭涼似水，月明看盡鵲南飛。

草蟲二首

草蟲何所感，淒切晚涼天。競響爭蟬後，悲秋在客先。雨中殘漏盡，花外一燈然。闔戶誰三歎，庭蕪欲化煙。

唧唧復唧唧，叢蘆徧古城。中宵撓客夢，大地逆商聲。紈扇離

小謨觴館詩集卷四

九

宮淚流黃少婦情，葉絲吾欲寫和爾不平鳴。

寄題亳州吳廣文

顯菊圃四首

何處探奇竹石深，焦夷幽地客投簪。便開小壑延求點，絕勝名山訂向禽。學圃事闕蒼舊福，傲霜花見主人心。阿戎正有尋秋興，可許扛壺也入林。

萼冷香幽老圃中，百弓聞在古譙東。分叢寒色千畦爛，送酒霜顏一笑紅。此樂有誰爭栗里，人間何事怨秋風。雲亭氣爽簾波卷，占得疎籬欲惱公。

去年曾駐小黃鞍，大響堂邊野色寒。淝水秋情波浩蕩，支園花事雨闌珊。茫茫塵劫談周史，落落風騷溯建安。珍重舊家池館在，薄遊還製切雲冠。

遊子風前一惘然，半生空賸買山錢。并無小築容高臥，那有

籃輿奉暮年夢澤雨絲迷楚苑辟疆秋色斷吳天黃花保得
餘香好輸爾齋頭老鄭虔

塵鏡

尚有金精氣全虛照膽名江湖憔悴面原不要分明

白菊

霜色全封幹秋心鬱不開一般花潔白終不似南咳

秋夜集榕塢齋中分詠明七子拈得王敬夫九思

冰山一倚便摧積鄆杜淒涼司馬才近墨可知縮易涅擢官
誰道福成災元明宮冷南衙閉黃閣書徵北地來傳得武功
新樂府琵琶賡和各悲哀

九月自穎南下爲先祖營葬臨發書懷並留別星社

諸友五首

小謨觴館詩集卷四

十

不作佳城計寧爲吳會吟艱難遊子意鄭重老親心愁共征
車發秋隨落葉深貧傷封墓緩馬足且駸駸
貧病催親老關心祖澤長一官違執紼千里代封堂雲物松
楸警江山憂患妨數行歧路淚非止感秋霜

骨肉殊方寄庭闈卻望遙寸心疑去住長路颯風颺雁影淮
天字龍腥海汊潮酒釀成悶損祖餞枉朋招

曾聞遠遊樂此地轉蓬根萍水飛星合風騷戰壘存業應爭
蠹簡名豈藉龍門小別無三月休停別後樽

歷歷南皮憶春秋逸事賒茶香湖上寺酒熟雨中花瞬息千
場燕雀黃八月槎吟壇餘劒氣猶作赤城霞

發穎州

南北羈棲慣牽衣戀病親關河愁外路眠食夢中身將子飛

烏影當塗野馬塵
汝陰車騎道誰識
望雲人

甘城道中有懷

草草離筵恣速何
唱驪人已隔星河
寒雲作雨迷荆樹
獨客將愁渡潁波
雙屐吟身關吏熟
十年知已異鄉多
瑤華百紙殷勤甚
古驛疎鐙被酒歌

早次范家岡

小市晨闌戶清川
靜啣沙霧輕常漏日
霜薄不成花
莖豆征車會
咳蘭客感賒白頭
誰倚杖
菽水羨山家

正陽二首

楚尾吳頭帶水銜
清淮人影落征衫
從教壓載詩囊富
莫問當關侯吏饑
衰柳不迷長短驛
秋雲猶繞去來帆
八公舊有山中約
鴻寶書應寄一函

小謨觴館詩集卷四

七

皖公不向杯中落
風物南唐事可哀
堅壁將空淮甸守
習流軍下大梁來
漂零青雀陵波隊
跳蕩真龍斫筮才
剩水殘山誰識得
紫金峰近讀書臺

雙橋集

起伏岡巒勢秋風
入畫圖
草衰山徑澗村斷
午煙孤觸緒成
蕉萃勞形感苑枯
尙餘登陟與前路
指荆塗

壽春

莽莽關河霸業消
千年屏障屬南朝
山川終古餘兵氣
草木依然拱麗譙
桐柏長波雙峽下
濠梁新雁一行遙
壯心寥落風塵裏
看盡平原客射鵰

麻傲澗

新月出臯汭
陂塘風颯然
葉翻千樹露
雲動一池天
客思憐

鷗適歸心慕雁先勞
勞亭上望若箇占林泉

青龍澗

客有悲秋賦心占卽次爰隄危深澗截山缺溼雲交野草藏
鷹眼霜風折鸛巢終輪老農樂穩結一重茅

淮河水誌歌

淮源桐柏伏流始三十里出大復山信息光回逮霍頰荆塗
峽束爲重關所挾支水七十二漸積漸旺成潺湲下游直達
五河界盱眙洪澤匯怒瀾國家藉淮刷河濁濟運首在清流
安濠州上下設水誌丈尺增損晨昏看治河使者相度審豫
測消長資防閑湖隄旣束清口暢轉漕成效何班班頗聞杞
憂抱父老扼淮於上如激湍在山在頰隱害切此地未免爲
魚患誌昏區區詎足恃盍興力役告長官築隄盡沿鳳壽境

小謨觴館詩集卷四

主

約淮下注清黃寬淮流朝宗免橫溢清力亦不虞其屨更增
壩聞講宣節貽憂豈到邗溝間書生好事愛妄議此語或者
非欺謾會逢解人央可否不憚放筆言調調

定遠靖南侯祠

將星一夜大營流誰使金輿出石頭只有王琳能死國更無
韋粲與同仇降旗青蓋終朝洛故將油幢盡列侯留得尙書
祠墓在陰陵東畔是揚州

抵家日甫解裝責逋者踵至賓座常滿口占絕句自
嘲二首

恍惚羞村一櫂迴此間避債更無臺笑他立滿牆頭客不爲
詩人問訊來

朱提傳別苦爭衡負卻龍山載酒行畢竟秋懷忘不得重陽

風雨又詩成

偶感三首

學海詞源一笑譁牛蹏涔水各爭誇眼前不識崑崙路卻向
龍門羨浪花

賦香賸粉傳天魔學得新眉樣幾多猶有漢宮人未老炫妝
休便鬪雙蛾

談藝人人圭臬同詞場只合謝癡聾無端饒得豐干舌醇酒
三升誤乃公

冬日寓吳門沈氏懷雲亭病中雜詩六首

意行力并怯嬾珊革帶腰圍日日寬特遣詩腸諧藥餌仍留
孱骨耐飢寒棲鳥叫月扶牀聽黠鼠窺鐙倚枕看我是維摩
安丈室不妨黃面對蒲團

小謨觴館詩集卷四

三

生怕商飈肌粟侵鴨爐斐几畫簾深裏糧未見高朋問灼艾
渾憐弱妹心撥悶詩書勝藥石避人衾枕卽山林病夫尙有
悲秋志莫遣高城急暮砧

隱囊塵尾自摩抄藻帳矚瑜噩夢多豈爲吳門看匹練卻教
楚客染沈疴文竒那得逢枚叔店作真須學趙羅一笑風灾
原不屈四禪天本未經過

攬鏡真成太瘦生人間貧病一時嬰直愁占歲逢辰已何暇
登山問癸庚執古衙推爭六疾疑神巫史祝三彭支牀賸覺
仙梯近已是身如辟穀輕

猛氣猶思射獵場錦繡鷹隼綠沈槍鳴聲風叫平原箭麀血
鐙行毳幕觴馬上少年雄袴褶車中新婦笑積唐垂頭未免
書生態只解詩吟段子璋

甲第君雲萬瓦聯，養疴莊好借平泉。
獻文成室人猶在，翟尉題門事可憐。
畢竟瓜廬容一士，幾曾梓澤占千年。
聲聲牛蟻膏騰裏，多事閒愁觸處傳。

病間將之潁州適張子白自無爲輟講歸相遇吳門
驩然道故走筆成絕句五首兼以留別

天涯蓬轉兩塵顏，短笛長亭柳慣攀。
一笑銜杯渾不信，相逢也許在鄉關。

病夫真作可憐蟲，枯木寒蟬訝許同。
特地陽回寒谷暖，故人消息勝春風。

推牀走迓茂先來，裂月撐霆八斗才。
卻恐病魔無處避，錦囊新句莫輕開。

濡江纔返子猷船，我又淮山待著鞭。
自是要留旬日住，如何

小謨鵲館詩集卷四

古

翻贈辦裝錢

千里誰憐土梗身，御風兩腳轉車輪。
不如燒作勞薪用，猶有當場識苦人。

題前餘小草爲許儼瓊女史作三首

朱鳥窗前憶左芬，縹緗猶帶硯漪雲。
藥花藁已三臺寫，紗幔香應一瓣焚。
眼底纖兒空美筆，近來孀子總能軍。
紅闥勞我薑芽手，鈔向蠻牋教細君。

人世華胥夢偶然，班姬悲憤感中年。
到來塵海原多事，便落罡風豈礙仙。
香茗地傳千首賦，飛瓊天締一家緣。
何須更問青絲帳，靜與霜娥鬪月圓。

玉釵鐫字擺琅玕，手盥薔薇展夜闌。
卷裏秋心驚瘦削，竹邊人影想高寒。
才堪造福卿能壽，世可逃名我未拌。
多少文章

悲覆旣然脂張觸幾回看

五更大風舟出丹徒聞渡江寄吳門沈中立

培

病軀如舟一葉輕白波如山千丈迎江風五夜發光怪欲送
人舟擲天外黃頭兒郎亂身手鐵鹿長檣出江口放溜一箭
穿飛梭捩舵三鬚運跟肘船頭入水水人立波面浮山山倒
走扁舟不兀亦不頗兩舷無乃蛟龍守須臾扶桑旭影紅朝
霞十丈磨青銅推篷絕叫海門近天地眩轉雲濤中平生快
意那有此破浪宗生等閒耳委身窮薄輕江潭蘇公未免憂
生死隱侯卻憶書堂夜小院閉門霜霰下乘槎尚有同志人
萬里天風請齊駕

定遠道中述懷

曉行月在西夜行月在東征人亦何幸與月相始終卻登曲

小謨觴館詩集卷四

五

陽城還顧譙郡官淮山肖淮水蜿蜒拖長虹霸業一朝盡漁
樵老英雄陰陵連大澤一氣寒濛濛所嗟好林壑長在客路
中居者樂不識行人羨又空青山安可買望望悲途窮

雨中曉發北盧橋

昨宵月離畢雨兆占五行詩人不信象緯術傲氣愛與天公
爭曉聞霖霖呼起起急飭平頭戒行李生年窮薄分泥塗垂
堂敢例千金子五更朔氣厲似刀野色瘳瘳寒生毛淒然涼
雨掠塵面軒眉直共西風塵瞻瑜溼盡天未曙苦竹雲陰渺
何處依稀辨是古墓門白楊如人鬼相語疲驢短策滑屢倒
心竊悔之奴僕笑主人讀書徧墳典未讀天官書一卷

颺輪三首

以下俱乙卯歲補作

颺輪蕩晝影白日無停光雨落不上天安能知去鄉人生有

徂謝物化理無常一訣異幽顯寧論彭與殤笠穿畏風露衣
薄愁冰霜嘉木失故蔭庭草萋以黃此心固匪石何以當存
亡

呦呦中原鹿銜草哺其麕猿狖失所生悲風終夜嘶天倫有
至性報復理宜齊仲堅負米志參出蒸梨妻平居慕陔華數
盡恨自贖送死具牲鼎豈如餐藿藜明鏡耿長幔慘月臨前
題何幸空桑生悠悠無所悽

閉門不瘳饑拔劍看四壁丈夫身無家舟車作田宅朝行長
安城暮宿洛陽陌梳梳飛旅塵元髮潛變白遵渚溯歸鴻巢
林睇遙翮於人獨無希惻怛傷行役

東亳州李刺史時奉諱後屢厚賻並以志感四首

千騎東方指上游盧龍詞客鎮雄州地交嵩洛風清野茄卷

小謨觴館詩集卷四

七

淮淝筆寫秋斷碣饗堂搜鵠隸部民忝政拜魚頭循良傳又
兼文苑此事羸他郭細侯

濯龍祠廟望觚稜省識清香燕寢疑詩鉢韻催鈴閣月酒旗
星閃射堂鑑玉驄行部看山便彩筆分花判牘能鄴下風流
建安格使君端合長譙陵

腸斷羣魚百事灰麥舟真仗故人哀生芻一束停車奠重幣
雙絨掣淚開求熱我會羞乞火恤孤君自託憐才從知萬丈
香山被尙許閒人分暖來

承蓋扶輪契分新愁將詞筆訴窮塵百年池館鶯花節八口
關河涕淚身風急疎林無靜樹月明西邸有留賓小黃園角
春如海可覺樽前少一人

東裴立齋并道別二首

騷壇記得醉飛觥，跌宕曾傳達名。豈有下才工論古，不妨
狂態偶談兵。遭逢隔歲分哀樂，骨肉新年判死生。寄謝河東
賢刺史，唾壺敲缺久無聲。

聲聲杜宇促征輪，落絮風前自愴神。孤客負身兼負世，扁舟
歸骨亦歸人。三秋鷗鷺盟難續，廿載咳嗽話未真。迴望白雲
成一哭，使君還是彩衣身。

立齋封公尚在

題立齋春暉圖障子

使君家傳理縣譜，遇民如兒。民曰：父使君有澤本如春，一片
晴暉暖編戶。人人嚴君視使君，誰知君亦孺子身。怡然色養
門闈內，藹如萬點風。花春離離短幅開，林麓杉影崑光雨。初
沐依約高陽撲，杖人太邱冲澹元。方肅綠瞳蒼鬢光，炯然梅
尉元是陽和仙。使君腰笏旁挽曉，紛紅駭綠花芊綿。人世推
遷成薄相，弓冶箕裘視所尚。已看慙長復慙，卿教詔頭還觸
屏障。豈如清白遺子孫，鼎鼎能養宗能亢。經生退步有雲泉，
白髮青山兩無恙。紫霧烘林媚煙篠，此樂如君古今少。吁嗟
乎塵世紛紛負米徒，咳華夢斷青春孤。人間難得惟此圖，春
暉春暉何處無。

別榕塢

古人如積波，一去何浩浩。今人企前躅，如眼不見腦。大雅紛
荆蕪，吟螿唼叢草。蟬鳴詎無響，聲作神已槁。能者挺其間，鳳
皇展秋顛。巨靈闢蠶叢，竒境出天造。憶子識之無，耽詩自襁
褓。逮乎舞象年，騷雅費搜討。詩成頗違俗，半信不自保。索解
鮮離朱，往往誤白阜。前年之淮舟，楨水清可澡。獲遇汝南賢，
希蹤瀛西老。詞壇開鼓旗，學海峙羣島。予也蝨其間，不律隨

衆掃未甘就邪莒竊願幾豐鎬謂予才如玉去類便成寶謂
予筆如弩餘力猶穿縞直以槁散材珍重視合抱雅志感知
音偷閒不行藁博君別裁手指我周行道甲乙分標題高下
恣品藻譬彼老農夫芟舊獨存稻黃金揀沙礮名錦燦新繰
繆謂一柱砥足障狂瀾倒審樂夔襄存識君苦不早君言我
爲詩與俗殊美好人貽衆人譏嘲罵口爲燥今子勉自持除
田須擊莫毋爲求媚世中道返車轍大海吹浮萍驚風轉蓬
葆豪吟罷烏鳥百慮憐燥燥雲龍一相失揮淚看穹昊願養
垂天翼勿爲處禪蚤榮枯境何常名在抵壽考學人貴本原
易涸笑秋潦莫博今人喜求爲後人禱澄清東門波滲澹春
日杲勉旃冰雪心兩地同皜皜

別止齋

小謨觴館詩集卷四

六

讀書必求官學道必謀食豈曰非人情亦復非潛德居恒慕
古風竹素恣遊息至道有真味浮榮安足弋抱經獨尙元知
白貴守黑要當義勝肥陋彼食肉墨以此博利名轅南而轍
北世人肆嘲詆我意迄不惑荷彼青門土幽芳秀孤特衙官
攝屈宋駭汗走籍湜著書不問世藜藿有怡色蓬華足千秋
吾自盡吾職男兒不貧賤學問無心得金石三年交兩兩見
胷臆豈知同岑浩忽作分飛翼去路多荆棘脩途恐茅塞叢
殘一片心世短苦日昃才俊爭交馳希榮矜篆刻但工鞞輓
繡安問道風熄自計獨何愚戚戚搜蠹蝕素心更何人此意
誰能識名山與金紫相去實萬億士固各有志胡爲自摧抑
幽光不久藏靈氣肯終匿保此平生心以爲學人則記此臨
別言以爲異時憶

別秋坪二首

白業留賓夜青鐙餞別筵論心憂患裏雪涕酒樽前荆棘生
年百風波去路干院花無別苦猶作往時妍
萍梗原無著勞生分苦辛途窮誰地主道合卽天親慎保青
門業毋忘白社人出門蕭艾夥珍重菖蘭身

別南林二首

誰擅花間句金荃妙獨開老堅求道志病鍊著書才會短觴
行促歌長筑韻哀晚香秋圃在飛夢會重來
扁舟載孤寡一櫂下煙波滿眼存亡淚三聲叠拍歌去應憐
處索生已悔情多省識看花叟年來髣髴

別西厓

傲儻子華子悲涼送遠吟才難傷別易詩苦見交深窮達非

小謨觴館詩集卷四

九

吾事風騷勉此心更休談骨相腹本欠三王

別竹溪

五畝藏春塢二年畫壁痕社隨鴻爪散愁與落花論風水巖
魂惡雲泉處士尊別來煙月夜清酒爲誰溫

別棠村

彥昇才調元方弟拓戟狂歌憶舊歡壽世文留風雅在少年
交得性情難花天驪唱愁三疊家事羊腸有百盤此後懷人
詩定好寄聲爲我寫烏闌

別郝瀛波

浴

銀燭清樽鬪夜闌離愁差付酒腸寬伯鸞竟要因人熱范叔
誰憐倍我寒過漢星蹤留影少賣文生計閉關難汗青心事
飛蓬鬢兩地騷情一種看

去潁州日諸友畢集河干相送小飲新渡寺登舟後

寄懷子白并寄星社同人

時子白復主講清潁書院

離雲茫茫客罷酒送我頭匡峭帆走蒼然暮色無一言不敢
回頭只揮手故人不及石尤風能絆行舟客路中故人卻似
初弦月清輝雖沈情未歇張君意氣如水澄才筆健傲秋空
鷹雲龍會合花前酒風雨論心夜半鐙一片冰壺兩相映好
古雄談出天性時時共被聽鳴雞蹴起開門北風勁齋室臘
無十笏寬瀾翻腹有千秋鏡參橫斗轉各蒼茫劍鐔蓮花電
光迸從此扶輪推大雅聚星堂畔開星社儕輩分標白雪篇
新詩盡入紅爐冶賓任兄弟元季儔謂梅塢止齋及吏部清
門竹石幽謂竹溪竹溪爲公勸先生後程本文章郝隆腹謂西厓同方合
志兼元劉謂南林數子詞源何濛濛文昌樂府尤豪蕩兩灑

小謨觴館詩集卷四

三

東西共瓣香一軍南北爭雄長百寶花闌鸚鵡杯玻瓈秋水
芙蓉槩分箋片片雲霞飛落紙琅琅唾壺響顧我才慙下水
船黃金虛牝擲年年囊書躑躅慵干世呵壁荒唐罷問天臭
味苔岑合有數壽陵遂學邯鄲步木葉亭皋柳惲詞東風芍
藥王筠賦三年壇列鶴鵝羣旗鼓江東我共君只說棗樽老
花月那知離散有風雲梟聲中夜唳煙柏青詞不救黃楊厄
天涯聖室棘心枯遠道麻衣柳車追拭涕愁編栗里年娛親
夢斷東山展采蘭平日讀南陔補盡亡詩竟何益河梁悵望
各淒酸潮落篷低蘆荻寒絕似荆卿辭易水白衣人盡髮衝
冠亦知離別人生事但愁華鬢星星易空谷吾安樗散材青
雲爾慎干將器丈夫且莫求田宅天下蒼生望安石丈夫不
必定侯封李蔡爲人居下中只此輪囷心一片風塵壓倒宜

明面千間廣厦萬家裘留與他時作佳傳頽尾州來放權行
長天寥濶雁孤征落花飛絮傷離意宰樹呼風飲血情此後
西湖誰健者諸君碧盞應重瀉臨觴記否如茶人擊楫歌殘
淚盈把

舟中寄別劉少村

飯顛山頭夜鑰破誰竊殘膏爲咳唾風朝月美天汝憎罰作
經生受寒餓經生事業亦何有才高不副時人口獨抱嶽嵴
磊塊胸故紙堆中作鯨吼古來錢刀可致身曷不學作桑孔
坐致金千鈞况聞老氏貴守拙和光處世同其塵何爲齏鹽
自束縛鸞翻雖鍛龍性終難馴干言絕交書一篇酒德頌此
是卿家孝標與伯倫勘破浮生付醯甕今君毋乃率祖風白
眼高撐飲須痛惜我萍蹤如轉轂來何草草歸何速伏處君
方仰屋梁鳴榎我自悲風木瀕行半面天亦慳不許臨歧成
一哭去去高歌立鬼神此君應不悔長貧請將感逝傷離句
寄我愁風愁水人

遷居詩六首并序

乾隆四十二年予甫九歲隨先君子赴寧武五十二年歸越
四年隨之潁州五十九年奉諱後又歸所遺積逋以千百計
薄田二頃盡去之不足以償因并所居棄之別營破屋於城
南居焉庶少安乎而飢來驅人少定又當求食數百里外作
遷居詩六章俯仰今昔既自慰還以自嗟云

闌風伏雨夜茫茫八口移家上野航五畝園廛拋栗里十年
封券了巾箱可能春釐長充膳畧換秋茅好拒霜盼到紙窗
蘿屋底一門團話小滄桑

回首清門局已更春蠶食指費支撐拋殘馬邑龍堆夢愧煞
隣兒驥子名百歲竟將咳養負一區平與寢邱爭團欒但說
移居好莫糊前因引淚傾

剛除馬券兼驢券整頓禽經與鶴經遺澤敢忘通德里翦艾
也箕草元亭風拌黃檗吹籬苦雨好青楊夾巷聽莫訝步兵
工作達年來噩夢此纔醒

安排藥裹與書籤里女窺門鵲噪簷放鶴秋風剛四起種魚
池水恰平添西堂撲棗僮能恕別院分花我不廉第一稱心
沽酒易出門三步有青帘

椎髻蓬頭作一家子山新賦劇堪誇便應白板常支戶豈厭
青門老種瓜菜把有心居地主楊花無蒂易天涯端居姑諫
牆東叟坐倚柴關數暮鴉

小謨觴館詩集卷四

三

士衡賸有三間屋魯望曾無一稜田巾髮乍梳隣弟弱征衣
頗理累妻賢秋鏡小幕離堂酒煙雨垂楊別浦船後夜吟魂
定何在寒天修竹暮雲邊

